

**КНИГА НАРИЩАЕМА АПОКАЛИПСИС**  
**Главы явлены в Патме Иоанну Евангелисту.**

- А (1)** Прилогъ, Апокалипсис. Яко ангеломъ ему дано бысть.
- В (2)** Видѣние, в нем же видѣ Иисуса посреде седми свѣтилник горящъ стояща.
- Г (3)** Написание Ефеския церкви ангелу.
- Д (4)** Нарекование Измирския церквѣ ангелу.
- Е (5)** Сказание Пергамасийския церквѣ ангелу.
- Ѕ (6)** Нарекование Фиантирския церкви ангелу.
- З (7)** Послание Сардийския церкви ангелу.
- И (8)** Написание Филадельфийския церквѣ ангелу.
- Θ (9)** Нарекование Лаодикийския церквѣ ангелу.
- Ї (10)** О видѣныхъ дверехъ на Небесѣхъ и престолехъ. И КД (24) старцехъ.
- ΑΙ (11)** О книгахъ запечатлѣнныхъ седмию печатми в рудѣ Божей. Иже никто же можетъ разгнати от сотвореннаго роду.
- ΒΙ (12)** О Агнецы имущемъ З (7) рогъ како разгнати книги.
- ΓΙ (13)** Отрешение первыя печати инде пишет. Ангельское наслѣдие являя, апостольское слово сказая.
- ΔΙ (14)** Отрешение вторыя печати сказание невѣрныхъ на вѣрныя.
- ΕΙ (15)** Отрешение третей печати сказующе невѣрныхъ отпадение. Невѣровавшихъ твердо во Христа.
- ΣΙ (16)** Отрешение четвертыя печати. Являя показанныя раны наводимыя, на отрицающихся Христа нетерпѣниемъ.
- ΖΙ (17)** Отрешение пятыя печати, сказая Святыхъ Духъ вопль ко Господу, дабы была кончина.
- ΗΙ (18)** Отрешение шестыя печати. Сказа о наводимыя раны на кончину.
- ΘΙ (19)** О сто и четыредесятехъ и четырехъ тысящехъ исцелевшихъ от ранъ и о Д (4)-х ангелехъ.
- Κ (20)** О народе бесчислене иже имуть со Христомъ царствовати от языкъ.
- ΚΑ (21)** Отрешение седмыя печати являя силы ангельския приносяще Богу Святыхъ молитвы яко и кандило.
- ΚΒ (22)** О седми ангелехъ, от нихъ же первому вострубльшу. Град и огонь и кровь на землю низходитъ.
- ΚΓ (23)** О второмъ ангеле ему же вострубившу яже суть в мори душевная пагуба бываетъ.
- ΚΔ (24)** Третий ангель иже рѣчныя воды горки творит.
- ΚΕ (25)** Четвертый ангель третью часть солнечнаго и луннаго свѣта омрачаетъ.
- ΚΣ (26)** О пятомъ ангеле иже восходящи от бездны разумныхъ пружехъ. И о различныхъ образехъ ихъ.
- ΚΖ (27)** О шестомъ ангеле и числѣ соузнемъ двою тѣму темъ.
- ΚΗ (28)** О седмомъ ангеле одеянномъ облакомъ и дугою и кончину проповѣдающемъ.
- ΚΦ (29)** Како книжицы Евангелисть от ангела приять.
- Λ (30)** О Еносе и Ильи хотящею обличити антихриста.
- ΛΑ (31)** Како убиена будета Енохъ и Илия антихристомъ и воскреснета.
- ΛΒ (32)** О трубѣ и о поющихъ Бога сихъ и на будущемъ вѣце.
- ΛΓ (33)** О церковныхъ прогонениихъ первыхъ и паки о антихристе.
- ΛΔ (34)** О брани бывши между Святими ангелы и злыми силами, и о падении змиеве.
- ΛΕ (35)** Како змий непочиваетъ гоня Церковь.
- ΛΣ (36)** О звѣри имущемъ Ι (10)-ть рогъ, и главъ З (7)-мь. От нихъ же яко едину заколену рече.
- ΛΖ (37)** О звѣри имущемъ два рога.
- ΛΗ (38)** О имени звѣрине.
- ΛΦ (39)** О стѣ темъ и Μ (40) и Д (4)-х тысящахъ стоящихъ со Агньцемъ на горѣ Синайстей.
- ΜΑ (41)** О ангеле вторемъ проповѣдающемъ падение вавилонское.

- МВ (42)** О ангеле третьемъ утверждающемъ люди Господня не приимати антихриста.
- МГ (43)** Яко сѣдяй на облацѣ, серпомъ скончаетъ прозябающая земля.
- МД (44)** О друземъ ангеле объемлющемъ горкий виноград.
- МЕ (45)** О седми ангель наводящихъ раны на человеки прежде кончины. И о стѣклянномъ мори в нем же Святыя видѣ.
- МС (46)** Како первой чаши излиянней гной на отступницехъ бысть.
- МЗ (47)** Язва вторая на сущихъ в мори.
- МИ (48)** Како третья чаша реки в кровь претваряеть.
- МФ (49)** Како четвертою варомъ изваряются человецы.
- Н (50)** Како пятою звѣриное царство омрачается.
- НА (51)** Како шестою путь чрезъ Ефрантъ отверзаетъ царемъ сущимъ отъ солнечныхъ востокъ.
- НВ (52)** Како седмою градъ и трусь бываетъ на человеки.
- НГ (53)** О единомъ отъ 3 (7)-ми ангель, показующу Евангелисту любодѣиваго града потребление. И о седми главѣ и о десяти рогахъ.
- НД (54)** Како ангель видѣнную тайну сказа ему.
- НЕ (55)** О друземъ ангеле падение вавилонское сказующе. И съ Небеси гласъ заповѣдающемъ. И бежаніе изъ града. И отметаніе красныхъ яже первѣе имѣ.
- НС (56)** О пѣнии Святыхъ и о трегубей аллилуй. Иже пояху о потреблении вавилоньстемъ.
- НЗ (57)** О брацехъ тайныхъ и о Вечери Агньчи.
- НИ (58)** Како на конѣ Христа видѣ Евангелистъ, со агельскими силами со страхомъ.
- НФ (59)** О антихристе и вмѣаемыхъ с нимъ в геену огнену.
- Ѳ (60)** Како сотона привязанъ бысть отъ Христа пришествія до кончины отъ 1000 лѣтъ.
- ѲА (61)** О уготованныхъ престолѣхъ сохранимъ Христово исповѣданіе совершенно.
- ѲВ (62)** Что есть первое воскресеніе. И что есть вторая смерть.
- ѲГ (63)** О гозѣ и магозѣ.
- ѲД (64)** О Сѣдящемъ на Престолѣ и обладающемъ воскресновеніемъ и о судѣ.
- ѲЕ (65)** О новѣ Небеси и Земли. И о вышнемъ Иерусалимѣ.
- ѲС (66)** О нихъ же рече Сѣдяи на Престолѣ и о видѣнии.
- ѲЗ (67)** О ангеле показующемъ градъ Святыхъ стѣны Его со враты размѣряющемъ.
- ѲИ (68)** О чистой рѣцѣ являшеся исходяще отъ Престола.
- ѲФ (69)** Богъ пророкомъ Христосъ и Владыка всѣмъ.
- О (70)** О достойномъ увѣреніи, яже есть видѣ Апостоль.
- ОА (71)** Како есть повѣленное ему не запечатлѣти но проповѣдати апокалипсисъ.
- ОВ (72)** Како есть Церкви и Духъ, иже есть в ней, призываетъ Христово славное просвѣщеніе и о клятвѣ ей же повинни бываютъ отмѣтающе книги сия яко неприятны.

## **АПОКАЛИПСИСЪ ИОАННА БОГОСЛОВА И ЕВАНГЕЛИСТА.**



**Слово А (1)-е.  
Глава А (1) Прилогъ.**

**А (1) Апокалипсис Иисуса Христа юже дастъ ему Богъ. Показати рабомъ своимъ. Им же подобаше быти в соборе сказа.**

Апокалипси убо есть сокровенных тайнъ откровение. Егда ся озарится умъ. Или от сония яже суть от Бога. Или по чистотѣ от Божия просвещения. Дати же сию рѣчь Христу. Человеческое здѣ о Немъ слово сотворяетъ. Понеже во Евангелии словесы высоки. И Боголѣпны паче всѣхъ глас. Здѣ же служащим ангеломъ, и сего нарицающимъ раба Христова. Божества велика ту яви. Тому бо работна суть всяческая. Им же быти являетъ вскоре.

**В (2) Пославъ ангеломъ своимъ, рабу своему Иоанну иже свѣдѣтельствова Слово Божие и свѣдѣтельство Иисуса Христова елико видѣ.**

Христось рече яко Владыка своему рабу ангеломъ си нарекова. Исповѣдавъ обою свѣдѣтельство. Им же вины имъ свѣдѣствовати, и проповѣдати. Обращения ради слышащимъ яже суть утаяются человекомъ яже хотять быти. Пророчески бо видѣ есть обою. Сии бо суть яже преставляют и настояща времени и будущаго.

**Г (3) Блаженъ чтый и слышай словеса пророчества книги сия. И соблюдающен написанная время бо близъ.**

Блажени чтуще и дѣланми, и слышаща близъ настоящее время есть. Имже блаженнемъ улучшить достоинъ. Время бо прилежати дѣле. Яко же рече Господь. Дѣлайте дондеже день есть.

**Д (4) Иоаннъ седмимъ Церквамъ сущимъ во Асии. Благодать вамъ и миръ от Сушаго иже бѣ и грядущаго. От седми Духъ иже суть пред Престоломъ Его.**

Седмочисленнымъ числомъ тайну всѣмъ Церквамъ сказаетъ. Еже есть подобно недѣльнымъ днемъ жития сего. Тѣм же седмь ангелъ и 3 (7) Церквей сказаетъ и воспоминаетъ. Имъ же рече Благодать вамъ и миръ от Триипостаснаго Божества. Сказаетъ убо Отца еже есть Сущий. Якоже рече к Моисеови Азъ есмь Сый. А еже глаголетъ и иже бѣ слово и еже бѣ у Бога искони. Грядущаго же Параклита (*Утешителя*) менить иже присно крестить приходить

крещениемъ на церковная чада. 7 же Духъ да 7 ангель разумевати приемши строение церковное. Якоже Святыи Апостолъ рече. Свѣдѣтельствуя пред Богомъ избранными ангелы, и другое яко же есть от Сушаго иже бѣ и грядущаго. Понеже одержит в себѣ начатокъ, и среду и конецъ. 7 же Духовъ дѣтели Святаго и Животворящаго Духа. А прочая о Христове воплощении.

**Е (5) Иже от Иисуса Христа иже есть свѣдѣтель вѣрнымъ Первенецъ из мертвыхъ князь и царей земныхъ любящему ны и от грѣхъ нашихъ разрѣшающему ны Кровию Своею. И сотворилъ есть намъ Царствие. Иерей Богу Отцу своему. Тому Слава и Дръжава во вѣкы. Аминь.**

Тои бо есть свѣдѣтельствоваанный при Понтийстемъ Пилате вѣренъ во всехъ словесехъ Своихъ. Первенецъ из мертвыхъ. Яко животь и воскресение. Той бо Сый и Самъ начатокъ и конецъ. К тому якоже умершу первое и воскресение не узрять смерти, но во вѣкы имут жити. Князь же яко и Царь царствующимъ Господь господствующимъ. Равномогий отцу Единосущен. А инако яко Князь. Тѣмъ иже суть царствовали над земными похотьми возлюбльшему ны. И разрѣшающему ны. От скверныхъ грѣховъ омывшу. Пролитиемъ Животворящия Крови и Воды. И сотворшу ны Царское иерѣйство вмѣсто бесловесныхъ жертвъ. Жертву живу словесную службу Отцу приносящи.

**С (6) Се грядеть Господь со облаки и узритъ и всяко око и иже прободоша. И плач и вопль сотворять о Немъ вся колѣна земская. Аминь.**

Заколенный здѣ яко Агнецъ во отчей Славѣ. Судитель на облацехъ приидеть. Или на бесплотныхъ разумѣваемыхъ ангельскихъ силахъ. Или на таковыхъ якоже видевъ. Иже в Фаворстей горѣ ученикъ покрыша. Всяко же око узритъ и иже прободоша, и вся колѣна земная. И иже неаша вѣры ему, а има словенски и жидовски утвержаютъ слово се.

**З (7) Азь Есмь Алфа и Ѡ начатокъ и конецъ глаголетъ Господь Самъ, и бывая и грядый Вседръжителъ.**

Христа здѣ сказаетъ Бога и Держащаго всяческая. Безначална же и кончины не имущаго. Яко со Отцемъ сый присно, и сего ради воздасть комуждо по дѣломъ его.

**И (8) Азь Иоаннъ братъ вашъ и обѣшникъ в печали и во Царствии Небеснемъ. И в терпѣнии Иисуса Христове быхомъ во острове нарицаемомъ Патомѣ, за Слово Божие, и за свѣдѣтельство Иисусово.**

Яко братъ вашъ, рече сый обещникъ вамъ в печалехъ Христа ради. Подобно увѣрение от васъ имамъ. За свѣдѣтельство бо Иисусово осужденъ жити в Патомѣ. Повѣдаемъ вамъ. Яже видѣхомъ в немъ тайны, заточень бо сый в Патомѣ. Иоаннъ Богословъ приять апокалипси недѣля бѣ.

**Глава В (2) Видение в немъ же видѣ Иисуса посредѣ З (7) свѣтильникъ.**

**Ф (9) Быхъ Духомъ в дни недельный, и слышахъ за собою гласъ велий, яко трубу глаголющу, еже видиши напиши в книги. И послѣ седми церквамъ. Во Ефесъ, и во Измирну, и в Пергамъ, и въ Фиафиръ, и в Сардию, и в Филадельфию, и в Лаодикию.** Духомъ Святымъ одержимъ. И духовно ухо сотворь в день недельный. И воскресениемъ почтемъ. Слышахъ Гласъ велегласенъ. Яко трубнѣ за собою велегласие, и во всю бо Землю изыде Гласъ Ея. Являющи Божие безначалие. Иже ми заповѣда видѣния. Седмимъ церквамъ. Послати за реченное число недѣльное, преждоходящее будущаго вѣка. Болшей прочихъ Богомъ сотворено великий Иринѣи сказаетъ.

**І (10) И ту обратихся видети гласъ. Иже глаголаше за мною. И обратихся видѣхъ З (7)**

**свѣтилникъ златыхъ горяща. Посредѣ седми свѣтилникъ, подобень Сыну Человечу, оболчен в подирь. И препоясанъ присесцу поясомъ златымъ.**

Сказает же ся глаголя. Яко не бѣ простъ глас. Обратих же ся не слышати но и видѣти писа глас тойже бо есть духовный слухъ еже и зракъ. И посредѣ же свѣтилникъ Христа подобна человеку понеже есть Богъ. И яко простъ Человекъ оболченъ в подирь. Яко и Архиерѣй вышнимъ силамъ по чину Мельхиседекову. Поясомъ же златымъ опоясанъ но не в чресла. Яко и прочии человецы одержания ради похотнаго, к симъ бо не приступаетъ Божия Плоть но в перси при сесцу. Дабы ся удержалъ Человеколюбиемъ праведный Божий гнѣвъ. И оба завѣта сирѣчь Господня сосца. Да ся явить препоясающе истинна им же питаются вѣрнии. Злат же поясъ честныя ради и чистоты.

**AI (11) Глава же Его и власы бѣлы яко ярина бѣла и яко снѣгъ и очи Его яко пламень огнень.**

Аще убо есть ино в нас ради. Но древнии паче же превѣченъ. Сему суть приклад на бѣлыя власы. Очи же Его яко пламень огнень Святыя убо просвѣщающа. А скверныя опаляще.

**BI (12) Нозѣ ему подобни мѣди халколивановѣ яко в печи разженѣ.**

Нозѣ разумѣваемъ, плотное смотрение на нею же ходяще. Наше спасение содѣя. Нозѣ же и церковная основания. Или Святии Апостоли напастыи ражженѣ мѣде же разумѣвати человеце. А ливанъ Божественное Естество или проповѣдания мѣднымъ гласомъ, а языческое обращение ливанова воня.

**GI (13) Глас же Его яко глас водъ многъ.**

И общъ глас Самогоже и Духа. Его же источницы воды живы потекоша из чрева вѣрныхъ и по всей Земли велегласно возшумѣша.

**DI (14) Держай же в руцѣ своей десней звездъ 3 (7). И изо уст Его мечъ обоюдоуостръ изоостренъ исходяй. И лице Его аки солнце сияеть в силѣ своей.**

И звездъ 3 (7) церковныя ангелы рече. Мечъ же обоюдоуостръ на нечестивыя отвѣт рече, еже есть отсѣчения, паче всякого меча обоюдоуостра. Светѣние еже есть не се видимое но мысленое. Солнце бо сый праведное своею силою и властью просвѣщает не яко солнце видимое.

**EI (15) Егда видѣх и падохъ пред ногама Его яко мертвъ, и положи десницу Свою на мнѣ и глаголя не бойся, Азь Первый и последний, и живой и быхъ яко мертвъ, и се живъ есмь и во вѣкы вѣкомъ Аминь.**

В тоже видеши апостоль внеже и Даниль. Иисусъ Навинь. За немощъ человеческого роду укрѣпи Христе, рекъ ему не бойся. Не умертвити бо тебе приидохъ. Васъ же ради Безначалень Сый и Бесконечень мертвъ бывъ.

**SI (16) И имамъ ключа смерти и аду.**

Ключа менить умертвити си и оживити.

**ZI (17) Напиши убо яже видѣ. И яже суть и им же подобает быти посихъ. И тайну седмъ звѣздъ якоже видѣ на десницы Моей и 3 (7) свѣтилникъ златыхъ, и 7 звѣздъ ангель седми церквей. Суть седмъ свѣтильникъ. Седмъ церквей есть.**

Имущая рече в себѣ и дрѣжащая слово животное, злати же за чистъ и бескверную вѣру. При коемждо бо и ангель хранитель стоитъ. Понеже бо есть Христосъ Свѣтъ Истинный. Сего ради свѣтильницы суть и може нарицаютъ. И обогощаютъ свѣтомъ Его яко ношь жития сего, просвѣщающа. Яко и свѣщницы церковнии. Яко свѣтила тайная, по сихъ седми звѣздъ.

**Глава Г (3).** Написание къ Ефеския церкви ангелу. Ангеломъ к церкви глаголет. Яко же се кто учитель ко учимому, обычай бо имуть учитель на ся взимати ученичи прегрѣшения или исправления. Хотя убодобити себе учимаго.

**ИИ (18)** Ангелу Ефеския церкви напиши глаголяща тако глаголетъ. Держай 3 (7) звѣзд в десницы Своей ходяй посредѣ 3 (7)-ми свѣтилникъ златыхъ вѣмъ дѣла твоя первая и труд твой и терпѣние твое. Не поможеша носити злыхъ, и искусил еси глаголющая быти апостолы.

О двоємъ церкви приемля и едино же ей зазираетъ. Еже и на средѣ положи исправления. Положи обоуду мысль и труд и терпѣние вѣры ради. И еже злыя чюжая творити похвалны яко всякому духу вѣры ради неимеши, искусил лживая апостолы.

**ФИ (19)** К сим же и дѣла скверныхъ николаитенъ возненавидѣна суть. И обрѣте я лжа, и терпѣние имаша и понеслъ еси за имя Мое и трудися, но имамъ на тя яко любовь твою первую остави помяни убо откуда бо спаде, и покаися и первая дѣла сотвори.

Суть же николаи тя не от Николы иже бѣ от 3 (7)-ми дияконъ нареченныхъ от апостолъ. Иже ся развращъ злѣ учаше. Зазират же яко по искренимъ, любовь не имуть теплы.

**К (20)** Аще ли же ни грядуты скоро и двигну свѣтилникъ твой от мѣста своего. Аще не покаешия но се имаша. И яко ненавидиши дѣлъ николаитескъ их же Азь ненавижу. Церковное движение есть, Божия Благодать и обнажение им же помнозѣ молви есть. От злыхъ духовъ и чловѣкъ лукавыхъ. Иже имъ служатъ. Етериже движение менять преставление Ефескаго града стола в царь град. А дѣлъ николаитескъ что рад ненавиди Богъ. Иже бо испытает ересь ихъ тот увѣсть.

**КА (21)** Имеяй ухо слышати да слышит, что Духъ глаголет к церквамъ побѣждающему дам ему ясти от древа животнаго. Еже есть посредѣ рая Божия.

Плотное ухо всякъ чловекъ имать духовное же токмо духовны. Еже ся приложит Исаии побѣждающему же ны брань дѣмонскую, обѣщав дати снѣсти от животнаго древа. Сиречь причаститися в будущемъ вѣце добре приклад бо. Древомъ сказает живот вѣчный. Иже есть Христа яко же рече Соломон о прочей премудрости древо животное. И сам бо Иоаннъ вѣща о Христѣ той есть Богъ и живот вѣчный. Ему же Слава во вѣки. Аминь!

**Глава Д (4)** Слово второе нарекование Измирския церкви ангелу.

**КВ (22)** Ангелу сущу во Измирней церкви, напиши тако глаголетъ Первый и Послѣдний иже бысть мертвъ и оживе.

Первый яко Бог. Последний же яко в послѣдни времена бывъ яко мертвъ тридневную смертью. Отверзе намъ живот вѣчный и бессмертный.

**КГ (23)** Вѣмъ твоя дѣла, и скорбь и нищету. Но богат еси!

Печаль и нищета о плотскихъ юже терпиши Мене ради. Бьемъ невѣрными и лишаемъ своего имения. Богатъ же еси духовными имѣя сокровище сокровенно в сердечнемъ селѣ!

**КД (24)** Власфимия от глаголющихъ быти иудея себѣ и не суть но сонмище сатанино!

Не суть бо еже глаголють несть бо иудея еже не яве но иже в тайне. Иудей бо исповѣдание скажется.

**КЕ (25)** Ничтоже не бойся, яже хощеша прияти. Себо имать диаволь всажати от васъ в темницу да искуситесь. Имате скорбь десят дней. Буди вѣрень до смерти, и дам ти животь вѣчный.

Не бойся рече напастныя печали. Рече еже бываетъ от невѣрных ранами и десяти бо есть день. А не болѣ. Тѣм же и нерадiti о смерти. Яко в мало время приносит вѣнца побѣдныя

**КС (26) Имеяй ухо слышати да слышитъ. Что Духъ глаголетъ церквамъ. Побеждаяй не имать вредитися от смерти вторыя.**

Иже рече духовно слышитъ и побѣдитъ диаволя знания. Аще первую плотскую смерть приметъ. И не будетъ врежень второю смертию геонскою.

**Глава Е (5) Сказание Пергамасийския церкви ангелу.**

**КЗ (27) Ангелу пергамасийския церкви. Напиши тако глаголет имѣяй мечь обоюдоустръ изоощрен и вѣм гдѣ живеш, Идѣже престоль сотонинъ.**

Идолский град бѣ той к нему же сии рече суть. И суцая вѣрныя в нем терпѣ ины приема мяч же обоюдоустръ. Или Евангельская словеса речет еже сердца пресѣкаетъ и отлучаетъ от невѣрных. Или отвѣтъ на нечестивыя отсеченыи.

**КИ (28) И держиши Имя Мое и не отвержешися Вѣры Моея. И в Моя дни. Антипасъ мученикъ Мой вѣрный иже убиень бысть вами, идѣже сотона живетъ!**

Антипа сей именемъ мужъ бѣ терпѣливъ ввергае его же мучение и не поминаетъ Евангелистъ к покаянию заблуджѣшимъ.

**КФ (29) Но имам на тя мало яко имаша держащая то учение валаамова. Иже учаше валака положити соблазнъ пред сыны израилевы ясти жертву идолскую и любы творити. Яко имаше ты держащая учение никалаитское, тако же его же Азь ненавижу. Двое зло имѣя град той множайше бяху в нихъ еллина нарицаеми, вѣрнии осквернении николаитяне со пшеницею всѣяли плевелы злѣ и тѣм же и валаама помяну рекъ. Иже учаше валака разумѣваемаго диаволя видимъми.**

**Л (30) Покайся аще ли же ни прииду ти скоро. И брань сотворю с ними мечемъ устъ Моихъ.**

Со прощением человеколюбие. Не с тобою бо рече, но стѣми сотворю брань иже болять не исцѣлно.

**ЛА (31) И имѣяй ухо слышати да слышитъ что глаголет Духъ церквамъ. Побѣждающему дамъ ему ясти от маны сокровенныя. И дамъ ему камень бѣлъ драгъ. И на камени имя ново написано. Его же никто же невѣсть токмо приемляй.**

Манна сокровенная есть Хлѣбъ Животный сошеды с Небесъ нас ради и снѣден бывъ примѣнно же Благая. Яже хотят быти и манна же нарицается, яко с Небеси сошедша. Отнюду же и вышний Иерусалимъ. Приидет же камень бѣлъ иже побѣдит сирѣчь имя ново, его же не видят на семь свѣте. Его же бо рече око не види ни ухо не слыша, и ум не разумѣ будущихъ благъ и ино имя Святии приемлють.

**Глава S (6) Написание Фиартийския церкви ангелу.**

**ЛВ (32) И ангелу Фиартийския церкви напиши. И тако глаголет Сынъ Божий. Имѣяй очи свои яко пламень огнень. И нозѣ Его подобни мѣди халколивановъ.**

Речено есть опламенную очию. Како освещаетъ праведныя, а грѣшныя опалаетъ нозѣ же иливанную мѣдь сказаетъ Христова благоухание во спасаемыхъ разумѣваемо яко крижмы. А не размѣсно смѣшение Божества и Человечества той бо есть разжень Свѣтымъ Духомъ. Мысльми человеческими не обумѣино.

**ЛГ (33) Вѣм твоя дела. И любовь и вѣру и службу и терпѣние и дѣла твоя послѣдняя больша первых. Но имам на тя яко оставляеши жену Езавель глаголющую себѣ пророчицу. И учить и льстит моя рабы, любы творити и снѣсти жертвы идолския.** Аще бо вѣры ради и службы требующих говение ваше и терпѣние приемль. Но вправду зазираю вас рече. Яко николаитъскую ересь премѣнну и нареченную Иезавел зловѣриа ради студодѣянна остависте свою волю да и рабом моим соблазны творити. И обращаетъ я на идолския жертвы. Их же ся суть добре отрekli. Ей же и недостойт воля творити нивидет ея за несть пророчица творит неприязненным духомъ дѣема.

**ЛД (34) И дах ей лѣта да покается. И не хочет покаяти от любодѣянна свое.** Злая ереть рече время покаянна примши и не хочетъ приити покаятися.

**ЛЕ (35) Се полагаю на одрѣ любодѣющаго с нею в скорбь велию. Аще не покается от дѣл своих. И чада их умрут смертию.**

Третье и болѣзнью и в смерть вложит я яжеся с нею сквернятся от Бога любы дѣющии аще не обратятся к нему покаяннемъ.

**ЛС (36) И разумѣют вся церкви яко Азь есмь Богъ, испытай сердца и утробы, и дам единому комуждо подѣлом их вам же глаголю и прочим сущим в Фиантире. Иже неймут учения сего. Иже неции неразумѣша глубины сатанин от них, яко глаголют и не возложу на вы тяготы иноя токмо може имате и держите дондеже прииду.**

Вѣм убо сия ко прелщенным еретиком и лстащим иным. Аки к простѣшим рече понеже к злым словотворцем. Простынею не можете воздержатися яко глубинъ сатанинъ невѣдуще, не ищут о вас иноя словесныя брани. Но храните учения еже приясте дондеже прииду.

**ЛЗ (37) И соблюдающему и побеждающему до конца дѣла моя, до конца дамъ ему власть на языцехъ. И упасет я жезлом желѣзным яко сосуды скуделнича сокрушит я. Яко же и Азь приях от Отца Моего и дам ему звѣзду утренюю.**

Творящему рече дѣла моя дам ему область над Е (5)-ю или I (10)-ю градохъ, якоже во Евангелии рече, или сего ради на невѣрных сказует судъ. Имъ же прелщении яко жѣлезною палицею пасоми искушени будут вѣрными. А еже яко же и Азь прияхъ от Отца Моего человчески глаголет за плотское пріяте.

**ЛИ (38) И дам ему Звѣзду утренюю имѣяи ухо слышать да слышит что глаголетъ Духъ Церквамъ.**

И звѣзду же менить юже и Петръ глаголет. яко восияет Денница в сердцехъ вашихъ. Наричает же ся Денница Креститель Иоанн Ифезвитянинъ Илиа снимаже Денница честь имѣти имуть, иже побеждають диавола. Разумѣвати же и день иже хочетъ быти. И прогнати жития тму свѣта сего. Приидеть бо пред праведным солнцем просвѣщая Святых. Егоже Свѣтом и мы просвѣщены будемъ. Волею Отца со Святым Духомъ и ныне и присно и во вѣком. Аминь.

**СЛОВО Г (3)-е.**

**Глава 3 (7) Послание Сардийския Церкви ангелу.**

**ЛФ (39) Ангелу Сардийския Церкви напиши тако глаголет Имѣяй 3 (7) Духъ Божий 3 (7) звѣздъ. Вѣмъ твоя дѣла, яко имя имаши яко живъ еси и мѣртвъ.**

Седмъ звѣздъ Божии яко же ангель рехомъ преж 3 (7) иже Духъ или самая сия дѣтели Святаго Духа. Сирѣчь даръ якоже Исаия глаголетъ. К церкви иже глаголетъ яко толико мя лѣтъ имаши животныя вѣры, а мѣртва еси злыми дѣлы.



**М (40) Буди бдя и утвержая прочая. Им же бо умерети и необрѣтохъ бо дѣль твоихъ скончанных пред Господемъ Богомъ.**

Сонъ рече лѣности отряси. И уды, иже хотять умертвити. Невѣрствиемъ укрѣпи. Не начатокъ бо добрыхъ дѣлателя востанливаго.

**МА (41) Поминай убо тако приять и слышай соблюдай, и покайся.**

Предание еже рече от ангель приять соблюди и от лѣности покайся.

**МВ (42) Аще убо не бдиши. Прииду яко тать не имаша чюти в кий годъ, прииду на тя.**

Сирѣчь когождо смерть или общее скончание неразумно всѣмъ готовым убо от труда покой, а не готовымъ тать душевную наводитъ послѣднюю смерть.

**МГ (43) Но имаша мало именъ в Сардии иже не оскверниша ризь своих. И ходити имуть со Мною в белах ризах яко достойни суть.**

Се добро имаша иже суть нѣщии етери. Плотских ризь гнусивыми дѣлы неосквернили. Иже со Мною в бытии свѣтлы имуть носити я, яко соблюдающе чисту и свѣтлу нетлѣнну одежду свою.

**МД (44) Побѣждай сей облечется в ризы бѣлы не имамъ отмыти имени его от книги животныхъ, исповѣмъ имя его пред Отцемъ Моимъ и пред ангелы Его. Имѣяй уху слышати да слышитъ, что Духъ глаголетъ к Церквамъ.**

Прежде реченнымъ рече. Побѣждая побѣжениемъ своихъ добродѣтелей, и ризами просвѣтится яко солнце. И имя его в животных книгахъ будетъ пред Отцемъ Моимъ, и Святыми Силами яко добрии мученицы Господни.

**Глава И (8) Написание Филадельфийския Церкви ангелу.**

**МЕ (45) И ангелу Филадельфийския Церкви напиши тако глаголетъ Святый Истинный имѣяй ключъ Давидовъ. Отверзая и никтож затворить и затворяяй и никтож отверзеть.**

Ключъ Давидовъ область его нарицает по человечеству и паки по Псаломскимъ книгамъ от Святаго Духа. Первы иже по человечеству приемлетъ В (2) имать Безначалному Божеству, сирѣчь умертвити и оживити.

**МС (46) Вѣмъ твоя дела се дахъ пред тобою двери отверсты и никто же может затворити их. Яко малу имаша силу. И соблюде Мое Слово неотвержешися Имени Моего.**

От написанныхъ мнии есть град сей. Велииже вѣрою, тѣм же и рече к нему. Вѣмъ твоя дѣла, сиречь приемлю. Яко же и к Моисеови рече вѣмъ ты паче всѣхъ. И двери пред тобою учительнаго проповѣдания отверзохъ не могущаяся затворити напастями. Воля бо Мнѣ не довлѣет. Я не прошу боле силы.

**МЗ (47) Се даю от сонма сотонина, глаголющихъ себе быти иудея и не суть. Но лжутъ и се сотворю я, да придутъ и поклонятся пред ногама твоима. И разумѣють яко Азь возлюбихъ тя.**

Имѣти рече имаша мзду исповѣдания Моего Именѣ иудейское обращение и покаяние. Иже ся падут пред ногама твоима просяще просвѣщения Моего.

**МИ (48) Яко соблюдено слово терпѣния Моего и Азь тя соблюду от години хотящая приити на всю вселенную, и искусити живущая на земли. Гряду скоро, держи иже имаша, да никто же не примет венца твоего.**

Годину менить приидушую нечестивыхъ римскихъ царь. Христианское приклонение. Или еже хощет быти на конецъ вѣка, на вѣрныя от антихриста. Избавити от напасти подобящаяся ей

общаает. Добре же рече прииду скоро. По скорби бо дней тѣхъ. Абие Господь приидет. Тѣмъ же велит дрѣжати сокровище вѣрное неукрадено, да никто же да не погубитъ терпѣннаго венца.

**МФ (49) Побѣждающаго сотворю столпа в Церкви Бога Моего. И вонь не имать взыти к тому.**

Достоинъ бо иже победитъ противныя силы, столпъ и утверждение станет наистинне недвижимо поступление в ней имы по Апостолу.

**Н (50) Напишу на немъ Имя Мое Имя Бога Моего. И имя града Бога Моего. Иерусалиму сходящаго с Небесъ от Бога Моего и Имя новое Мое.**

На сердцы бо рече такового напишу. Разумъ Божия спасения поймеша вышняго Иерусалима. Да узритъ красоту сущую в немъ духовныма очима. Новое Имя Ему сказано Святымъ, яже рече Бога Моего человеческия от Отцы рече яко плоть нас ради непремѣненъ. Бывъ свыше Иерусалимъ исходящ рече. От ангель бо нарече Божии разумъ. И до нас же дошед. Смѣщимся вкупе со Христомъ Главою нашею. Имѣя ухо слышати да слышитъ. Что глаголетъ Духъ Церквамъ.

**Слово Д (4)**

**Глава Ф (9) Нарекование ея Лаодикийския Церкви ангелу.**

**НА (51) И ангелу Лаодикийския Церкви. Напиши тако глаголетъ Аминь. Свѣдѣтель вѣрный, и истинный Властель созданию Божию.**

Истина же Христова вѣрнымъ скажется. Паче же яко самъ Иусийския есть истинна. Властель же сий рече Царство. Яко всѣми дѣлы обладай.

**НВ (52) Вѣмъ твоя дѣла яко ни студень е си не тепль. Ни да студень бывъ ни тепль тако. Яко обуморень еси ни тепль.**

А теплаго христианина глаголетъ живущаго в правой вѣре. А обуморена толико крещена суща. А поганьски живуши.

**НГ (53) Избавити тя имамъ от усть Моих. Зане глаголеши яко богатъ есмь и обогатихся. И ничто же не требую. И не вѣси яко ты еси окаянъ и милъ. И нищетенъ и слѣпъ и нагъ. Яко се рече обумореное блевотину творить такой азъ. Яко скаредно брашно изблюю тя из усть моих. Зане плевель. И богатество сѣмя Божияго Словеси подабляеши и своего духовнаго не чюеши убожества. И слѣпоты мысленною твоею очию наготы от благихъ дѣлъ.**

**НД (54) Свѣтъ ти дають купити злато от мѣнѣ разженно огнемъ. Да обогатишия и в ризы бѣлы да облечешися. И да не явится нагота срамоты твоя. И куруломъ помажеша очи твои и даи зриши.**

Аще мыслиши рече обогатится от Мене богатящаго. Стяжи волею твоею и сердцемъ. Хотящимъ злато разжено. Сиречѣ учительное слово просвѣщаемо напастнымъ огнемъ. Им же имѣти имаеши в сердцы своемъ сокровище неоскудное. И одежешися свѣтлою одежею угождениемъ ея от греха одеждеши. Икурить же есть бальство отеческое им же прозривъ хранишия от зла.

**НЕ (55) Азъ яже аще люблю обадаю и кажу. Ревнуй убо и покаися. О чудо человеколюбное. Коликою благостию обличаетъ нас на исправление. Се стою при дверехъ ихъ и толку. Аще и кто услышитъ глас Мой. И отверзетъ двери. И вниду к нему. И вечеряю с нимъ и той со Мною.**

О чудолубное коликою благостынею обличает на исправление. Ненудноречемое

пришествие в двери сердечныя, толку. И иже кто отверзеть. О спасении же веселю. Пищу убо и вечерю сии имамъ питаюся тѣмъ. И можете ся питѣют. Гладъ же менишь еже не услышати Словесе Божия. И тѣмы лестныя избыти.

**НС (56) Побѣждающему дамъ ему сѣсти со мною на престолѣ моемъ яко же Азъ победих. И сѣдох со Отцемъ Моимъ. На Престолѣ Его. Имѣяи уши слышати да слышати. Что Духъ глаголетъ к Церквам.**

Престоломъ Царствие сказаетъ и покой будущаго вѣка. Рече бо иже врага побѣдитъ. Прославленъ будетъ со Мною и воцарится. А еже есть яко и Азъ побѣдихъ человечески глаголетъ за пріятие непобѣдимою бо добрыхъ дѣтели Царство стяжитъ Божественно. Еже имѣя преже вѣкъ. Но человечество аще ли же кто разумѣеть. Еже рече ко Апостоломъ сядете на VI (12) престолу. Судяще обѣма на десяте колѣнома Израилевома. Нѣсть кромѣ разума. Буди же и намъ побѣждшимъ прославити с Ним. В будущей вѣкъ милостию Его. Яко тому подобаетъ слава. Отцу и Сыну и Святому Духу и нынѣ и присно и во вѣки.

**Глава I (10) О видѣнии дверехъ на Небесехъ. И о престолехъ старецъ.**

**НЗ (57) По сихъ видехъ и се двери отверсты на Небеси и глас первы иже слышахъ яко трубный со мною глаголющъ. Глаголя възиди съ мой покажу ти, ему ж подобаетъ быти посихъ.**

Отверзение дверное сокровеннымъ таинъ духовныхъ сказаетъ явление, и труба открывающаго велегласие. А еже рече възиди сѣмо, сирѣчь отъ земныхъ отииду отступити и на Небеси быти умомъ и слышати.

**НИ (58) Абие же быхъ в дусѣ. И се Престолъ стоящъ на Небесѣхъ и на Престолѣ седящъ и сѣдѣи бѣ подобенъ видѣнью камене сардеови, аспиду. И бѣ дуга окрестъ престола, тако же якоже видѣние измарагдово.**

Гласъ же слышавы и духомъ рече оградить умъ престолъ внадрехъ имъ же скажется иже есть на Святыи и Божий покой. На тѣхъ бо почиваетъ. Понеже здѣ сказаетъ Отца видѣннаго яко вси предании. Видѣниемъ Сыновни. Но и честнемъ камени прикладеть. И дуга же различныи и оувѣтъ благоудный ангельскихъ силъ являетъ.

**НФ (59) И окрестъ Престола Его, престолы КД (24) И на престолѣхъ отъ КД (24), старецъ сѣдащъ, оболченъ в бѣлы ризы, и на главахъ ихъ вѣнцы златы.**

Сии КД (24) старцы яко нѣщцы глаголютъ, Авеля и прочая в Ветсемъ Законѣ. Приимаша страсти, паче же подобнѣ разумѣти. VI (12) патриарха Ияковля сыны. И VI (12) Апостолы. Имъ же обѣща сѣсти на VI (12) престолу, бѣлыя же ризы свѣтлаго жития. И не престающая радости приклад. А венцы побѣждений, имъ же побѣдиша злыя дѣмоны укрѣплшесе.

**Ѓ (60) И отъ престола Его исходаше молния и громи и гласи.**

Молния свѣтлость являетъ достойныхъ. Громи же страхъ Божия пришествия. А гласи слухъ слышавшихъ духовныма очима и ушима.

**ЃА (61) Седмъ свѣщъ огнемъ горящъ предъ престоломъ, яже суть 3 (7)-ри Дуси Божии. И предъ престоломъ море яко стеклянно подобно хрусталю.**

Духъ сии 3 (7) ангель разумѣти есть престолъ же прочихъ или дѣтели Святаго Духа сиречь дары. Яже Исаия глаголетъ. Море же стеклянно множество Святыхъ силъ. И чистоту и свѣтлость будущаго живота и образъ немутный. И хрустальная подобия Небеснаго естества мнимое. Мыслити же есть еда и симъ образомъ есть посланно мѣсто то.

**ЃВ (62) Посредѣ престола и окрестъ престола Д (4) животныя исполнь очесъ со преди и**

со задѣ.

Престоль сказается Божия Царствия покой. Внем же и окрестъ серафима видимо много очесная иже приемлють свѣтъ Божия разума. Спреди и созади четыре животная четырьми лица четыре составыми же содержится Божия тварь. Или четыре угождения ими же человекомъ угождаетъ или Д (4) Евангелия.

**ѠГ (63) Животное Д (4). А (1)-е животное подобно лву. В (2)-е животное подобно тельцу. Г (3)-е животное имый лице человеку. Д (4)-е животное подобно орлу летящу.**

Животными силами еже и смотрение Христова сказается. Лвомъ яко царемъ. Тельцемъ же яко иерѣомъ. Паче же и заколением человекомъ же яко вочеловѣчившимся нас ради. Орломъ же яко подающе Духъ Святыи. Еже слетѣ на ны свыше.

**ѠД (64) Животная Д (4) единого когождо ихъ имь по S(6) крыль. Окрестъ и внутрь уду исполнь суть очесъ.**

Сиречь велики и де очесии. Сего ради двема крылома покрывають лица, а двема нозѣ. А средними лѣтять да от вышнихъ и глубльшихъ своего разумѣния видять говѣния. Им же среднии како Богочалнымъ просвѣщениемъ Божиимъ мѣриломъ простираются.

**ѠЕ (65) Покоя не имуща день и ночь и глаголюще Святыи Святыи Святыи Господь Саваоф Вседержитель. Бѣя и сый и грядый.**

Святую Троицу сказаеть.

**ѠS (66) Егда даша животнии Славу и Честь и Хвалу Сѣдящему на престоле и Живущему во вѣкы вѣкомъ. Падоша КД (24) старцы пред престоломъ и поклонишася Живущему во вѣкы вѣкомъ.**

Аминь.

Сими сказається разумѣние на старцы. Причастницы бо суще пѣние Небесныхъ силъ. Исповѣдающе от Бога приятие начюемья врагы побѣдную силу.

**ѠЗ (67) Положиша венца своя пред престоломъ глаголюще достоинь еси Господи Боже нашъ, прияти Славу и Честь и Хвалу. Яко Ты еси создалъ всяческая. И волею Твоею создани быша.**

Ты рече владыко побѣдныя венца подасть намъ. И Тебѣ от всякия твари достоить Хвалу приимати. И тебѣ Слава во вѣкы. Аминь.

**Слово Е (5)**

**Глава АІ (11) О книгахъ запечатлѣныхъ седмию печати, в руцѣ Божии. Ихже никто же неможеть от строения всего мира разгнати.**

**ѠИ (68) И видѣхъ в десницы сядящаго на престолѣ книги написаны. Внутри юду и внѣ юду сопредѣ и созади запечатлѣнны 3 (7)-ю печати утверждение книжное.**

Книги премудрость Божиею памятию разумѣваемъ в них же вси написани бывають по Святому Духу. И судьбъ Божиихъ глубину внутрь юду неприкровения духовный разумъ глаголетъ. А еже внѣ юду удобныя разумы менишь. 3 (7) же печатей совершенное утверждение книжное всѣмъ неразумия или смотрения испытующаго глубины Божия Духа. Их же разрешити никто же не можеть ни коя же тварь.

**ѠФ (69) И видѣхъ ангель крѣпокъ проповѣдающе гласомъ великимъ кто есть достоинь разгнати книги. И разрѣшити печати их и никто же не можаше ни на Небеси ни на земли ни под бездною разгнати книги и ниразрѣшити их.**

Сирѣчь ни ангели писани тии. И ни сошедшеи с плоти своея. Ни человецы во плоти суще не могутъ разумѣти таинъ Божиихъ. Развѣ Агнеца Божия. Иже прореченыхъ о немъ древле своимъ пришествиемъ разреши.

**О (70) И плахуся мнози яко не обрѣте никто же достоинъ разнути ни почести книги ни зрѣти ихъ.**

И плакаху же ся сирѣчь ангельскихъ чести. Чинове вне разумъ пришедши.

**ОА (71) И единъ от старецъ глаголе ми не плачитесь. Се побѣдитель сый от колѣна Иудова. Корень Давидовъ разгнати книги и 3 (7) печати их.**

Аще бо и ангеломъ рече неразумныи книги суть къ Сыну Божию вочеловечьшуся разумныи суть. Корень же Давидовъ от корени бо Давидова человечества ради. А Творецъ Божества ради.

**Глава VI (12) О Агнецы имущемъ 3 (7) рогъ и како разгнати.**

**ОВ (72) И видехъ иже посредѣ престола и Д (4)-х животных, и по средѣ старецъ Агнецъ стоящъ яко заколенъ имущъ роговъ 3 (7) и очесъ 3 (7) еже есть седмь Духъ Божиихъ посланных во всю землю.**

3 (7) очесъ и 3 (7) рогъ Агнецъ сказаетъ Христовъ Духъ. 3 (7) яже Исаия и Захария пророки послѣднии. Яже яко заколенъ сказается. По заколену и животъ его им же глаголетъ страстныя приклады.

**ОГ (73) И прииде и приять от десницы сѣдящаго на престолѣ, и егда приять книги, Д (4) животныя и КД (24) старецъ падоша предо Агнецемъ имущемъ кождо гусли и фияли златы полны темияна. Яже суть молитвы Святыхъ.**

Гусли являютъ красногласное пѣние а кадило благоуханную жертву вѣрныхъ приносимыхъ житиемъ честнымъ Якоже апостолъ рече Христово благоухание есть. Фияль же помышление сказается из них же добрыхъ дѣлъ благоухание, и молитва чиста исходитъ.

**ОД (74) И поютъ пѣснь нову глаголюще достоинъ еси прияти книги и отверъсти печати ихъ яко заколенъ бысть искупи ны Господеви Своею Кровию от всякого колѣна и языка и люди и племена. И сотворилъ еси Богу нашему Царя Иерѣя, и воцарится на Земли!**

Симъ являетъ старца иже по Ветсемъ и в Новемъ Законе Богу угодиша, и хвалу воздають Агнецу Божию, заколенному за весь миръ. Искупльшему ны. Новую же пѣснь, юже навыкохомъ пѣти Святимъ Духомъ. И просвѣщящися от всякого колѣна и языка, Ветхаго писмени из бывше. На земли же воцарится сирѣчь на новей по Воскресении. Юже Господь обеща кроткимъ.

**ОЕ (75) И видѣхъ и слышахъ гласъ ангельскій и много окрестъ престолъ и животных и старецъ и бѣ число ихъ тмы тмами и тысяща тысящами глаголюще великимъ гласомъ, достоинъ еси Агнецъ заколенный прияти силу и богатество и премудрость и крѣпость, и Честь и Славу и Благословение. И всяко создание еже есть на Небеси и на Земли и под землею и на мори и сущая в нихъ вся. И слышахъ паки глаголюща, сѣдящаго на престолѣ. Агнецу Благословение и Честь и Слава и Держава во вѣки вѣкомъ Аминь! И всѣми умными и чювѣственными и живыми и простосущими славится Богъ яко всѣхъ Творецъ. Единочадый и Сущный Его Сынъ яко обновление человеку. Сего ради сотвореней твари даящей прияти область Небесную и Земную, яко же человеки пишеться.**

**ОS (76) И четыре животныя глаголаху Аминь. И старцы падоша и поклонишася.**

Симъ сказаеъ едино стадо Небесныхъ и Земныхъ Духомъ Божиимъ свѣдшимъ растоящая. И разорышим оплотное прегрешение. Се бо яко слышахомъ съ Д (4)-ми животными сущими над прочими ангельскими чиньми. И спасающаго от рода человеческого Святии достойни суть спасения Божия и проповѣдания Его, и мы достойни будемъ. Тѣмже и самѣмъ Христомъ Богомъ нашим и Мiroдавцемъ. Ему же Слава и Держава во вѣки. Аминь!

### **Глава ГІ (13) Отрешение первыя печати. Апостольское наслѣдие являеть.**

**ОЗ (77) И видѣхъ егда отверзе Агнецъ едину от седми печатей. И слышахомъ единого от Д(4) животных глаголюща, яко глас грома, гряди и виждь.**

И здѣ является учение сущих на Небесѣхъ от первыхъ чиновъ. На вторыя ни исходя, тѣм же от единого лица Д (4) животно сирѣчь. От лва первы глас бывши, услыша повелѣвающи прияти. Первое бо животно е левъ.

**ОИ (78) И се конь сѣрь и сѣдяше на немъ имяше лукъ. И данъ ему быша венець. И изыде побежда и побѣдитъ.**

Сѣрый конь апостолы менитъ а лук даную имъ силу. Еюже побѣду сотвориша, тѣм же и пишеть. Изыдет побѣжая и да побѣдит. А (1)-я бо побѣда языческое обращение.

### **Глава ДІ (14) Отрешение В (2)-я печати. Сказание вѣрныхъ на невѣрныхъ.**

**ОФ (79) И егда отверзе вторую печать и слысахъ второе животное глаголющи, гряди и виждь!**

Второе животное телець менитъ.

**П (80) Изыде конь рыжь и сѣдящему на немъ дано бысть взяти мир от земля да убиеть другъ друга. И дано бысть ему оружие велье.**

Конь рыжь по Апостолехъ мученикомъ кровипролитие. И взятие миру еже братъ брата предаеше и отецъ чада.

### **Глава ЕІ (15) Отрешение Г (3)-я печати сказание отпадение невѣровавшимъ во Христа крѣпко.**

**ПА (81) Егда отверзе Г (3) печать и слысахъ Г (3)-е животное глаголюще, гряди виждь.**

Третие животно человека менитъ, человеческое отпадение являеть сего ради мучение разрѣшеное поползение властною волею.

**ПВ (82) И се конь воронъ и седа на нем держаше мѣрило в руцѣ своей. И слысахъ яко глас посередѣ животных Д (4) глаголющъ хиникси пшеница пѣнязю и три хуниксиси ячмен пѣнязю и елей и вина не вреде.**

Сѣтование отпадшихъ от вѣры Христовы глаголетъ. И явление тмы в ню же имать ити. Мѣрило же в немъ же правдивая и неправдивая дѣла мѣрится. Хуникси же есть полспуди пшеницу же пострадавши же законно. Мзда. А ячмень же обещавшимся, и скотское гонящимся глаголетъ. Смыслено послѣди, покаявшимся от елѣи же вино яже милостиво ицѣления от нихъ взяти.

**Слово S (6)-е Отрешение Д (4)-я печати являюще наводимыя казни и раны на отрицающих Иисуса Христа нетерпѣниемъ.**

**Глава СИ (16)**

**ПГ (83) Егда отверзе Д (4)-ю печать слышах Д (4)-е животное глаголюще, гряди и виждь.**

Четвертое животное скажет орле высоко летание. И скоро наядь свыше на ня приходя от Божия гнѣва на мѣсте вѣрныхъ а на муку невѣрныхъ, аще ся не обратятъ.

**ПД (84) И видехъ се конь блѣд и иже сѣдѣи на немъ. И имя ему смерть. И адъ и идяше во слѣдъ его. И дана бысть ему область на Д (4)-и части земли убити оружиемъ, и гладомъ, и смертию, и звѣрми земными.**

Предложением чину иси предръжатъ. Яко же рече скажут учителя. Яко гладъ и моръ и мучение бывшее при Максимиане людем вѣрнымъ менить.

**Отрешение Е (5)-я печати сказание Святыхъ душъ вопль к Богу, дабы была кончина. Глава ЗІ (17)**

**ПЕ (85) И егда отверзе Е(5)-ю печать и видехъ пред олтаремъ душа человекъ, избивенных за Христа и за Слово Святое, и за свѣдетельство Иисуса Христова, еже имѣяху. И возопиши глаголюще гласомъ великимъ глаголюще доколе Господи Святыи Истинный судии не мстиши крови нашея на живущих на земли!**

И се окончавшихся пророцехъ древнихъ первѣе иудеи святыхъ можетъ прилежати. Яже мучиша до Христа. Аще ли же кто и будущихъ проречение се приметъ по церковныхъ учителей. Яже избивша Христа ради. Подобное яже окончинѣ суда молятъ да скорѣе примутъ свою честь.

**ПС (86) И даны быша комуждо их ризы бѣлы, и речено имъ бысть. Дапочиють еще премало. Дондеже скончאותся клевети их, и братия и хотяща избивени быти яко же и тии.**

Сими являютъ Святии кончины просяще всего мира. тѣм же и терпѣти до кончины братия своея. Велими суть да не без нихъ совершени будутъ по апостолу. Бѣлыя же ризы цветущая ихъ угоженьми свѣтлость являютъ. О ней же утѣшающеса. Живуть аще и неукса суть прияли обѣтование.

**Отрешение S (6)-я печати сказая наводимыя раны на кончину. Глава ІІ (18)**

**ПЗ (87) И видехъ егда отверзе S (6)-ю печать и бысть трусь велий, и солныце омрачено бысть яко вретнице власяно. И месяцъ бысть яко кровь и звѣзды небесныя падоша на земли яко смоковница отметающе пупы своя. Яко от вѣтра велика движима!**

Будущую страсть при Антихристе менить. В ней же прочее и многую скорбь быти, и муку от антихриста. Яко же не вѣмъ бывшая николиже да быша человецы чтуще не опали. Трусь же и вещная прелогания. Мнози же в книгахъ обрѣтаемъ. Еже бо есть еще единою, потрясу указываетъ движимое преложение. А еже омраченное темное кровавое неосвещение являетъ. На них же будетъ Божий гнѣвъ нежели звѣздамъ спасти, иже ся мнятъ быти свѣтилници на земли. Падати начнутъ не трепяще бывающихъ яко же рече Господь прекращенымъ быти, аще возможно праведнымъ. За сокровенную трубу тѣм же и смоковницу прилагаетъ отметающую неправедныя плоды от напастнаго отпадения и диаволя вѣтра уже не созрѣвше. И не услажшася Благодатию.

**ПИ (88) Небо отлучися яко списокъ свиваемо.**

Иже ся небо яко свитокъ свиваетъ. Невидяи сия втораго пришествия Христова скажетъ, а не скроботно бо свитокъ развѣвается есть и еврейскийъ обычай. На свитцехъ своя книги написати. Его же ради апостоль глаголетъ, и свитокъ менить, или печати Небесныя Силы от

нападение грѣшных мѣнить и приемлють, яко свитку свивающуся!

**ПФ (89) И всяка гора и отоки от мѣсть своих двинутся. Цари земстии и велможа, и тысящницы крѣпцы, и богатии, и всякъ рабъ, и всякъ свободный скрышася в пещерахъ, и в камени горьстемъ. И глаголють горамъ и камению, падайтеся на нас и покройте насъ от лица сѣдящаго на престолѣ. И от гнѣва Агньча яко прииде день великий гнѣва его, и кто можетъ стати противу.**

Господь нашъ апостоломъ вопрошающимъ, о разорении Церкви Иерусалимския и о кончине. Яко не можаху приимати. Первѣе рече будущая, еже и вѣмъ бывшее. Приевъ спасияне, итите христуубийцамъ иудеомъ, яко же сказаетъ, Иосифъ на кончине же всего мира паче егда антихристъ приидеть. Егда же ли жития сего силнии, или церковнаго чина несущи горы нарицаются. И вѣрныхъ Церкви отоцъ по Исаи смѣсть своихъ побегнуть. И мѣсто с мѣста измѣняющася антихриста ради. Цари же земстии иже ею владуютъ сирѣчь. А ни что же на Небеси неимущи со всѣми велможами, и богати нами сущими низу и рабы и свобоними от Христовы работы горамъ и каменемъ и вертепы покрыти молятъ. Неже искушения Божия гнѣва прияти. Его же даны избавить Человеколюбець Богъ, Ему же Слава во вѣки вѣкомъ. Аминь.

**Слово 3 (7)-е**

**Глава ФІ (19) О тысящах исцелѣвшихъ от ранъ Д (4) ангель.**

**Ч (90) И посемъ видехъ Д (4) ангелы стояща на Д (4)-х углехъ земля и держаща Д (4) вѣтры земля. Да не дышетъ вѣтръ на землю ни на море ни на всяко древо.**

Аще етеръ о иудейскомъ племени глаголють но паче о пришествии антихистовѣ. А еже стояти на Д (4)-х углехъ земля аггеломъ являетъ яко же совершатися службы даныя им от Бога. Их же мы не вѣмы. А еже держати вѣтры являетъ разрѣшение чина тварнаго неубѣжание зла сказаетъ. Вѣтры бо вся сущая на земли прозябають, и по морю плавають на нашу службу.

**ЧА (91) И видѣхъ инъ ангель восходящъ от земля и бѣ имыи печать Бога Живаго. И возопи гласомъ великимъ къ Д (4) ангеломъ. Им же дано бысть вредити земля и море глаголя.**

Сирѣчь Крестъ Христовъ имже запечатлѣеть праведники. Да не погибнуть со грѣшники за сокровенное угождение Святыхъ. И ангелы невидимо дръзають да силу приемше.

**ЧВ (92) Не вредите ни земли ни моря ни древа, дондеже запечатлѣемъ рабы Бога нашего на лицѣхъ ихъ.**

Стражахъ бо с нами и Творецъ яко нас ради бывши кажемомъ намъ. Причащающимся ранахъ нашихъ. Яко же и славимомъ Святимъ веселится с ними. Сего ради вѣмъ, яко угодницы требуютъ ангельския помощи преже напастнаго нападения, данымъ нам печатемъ духовнымъ, и толми являющимъ своею силою. Елма ему угодно дѣло подаемое прочимъ сущимъ безъ мощи силою своею.

**(В книге «Апокалипсис лицевой с толкованием Андрея Кесарийскаго» данный стих обозначен ЧГ (93) )**

**И слышяхъ число запечатлѣнныхъ Р.М.Д. (144 000) Запечатлѣнны от всякаго колѣна сыновъ израилевъ.**

**Т**

От колѣна Иудова VI (12 000) запечатлѣнны,  
от колѣна Рувимова VI (12 000) запечатлѣнны,  
от колѣна Симеонова VI (12 000) запечатлѣнны,



от колѣна Гадова VI (12 000) запечатлѣнны,  
от колѣна Асирова VI (12 000) запечатлѣнны,  
от колѣна Невтамля VI (12 000) запечатлѣнны,  
от колѣна Манасиина VI (12 000) запечатлѣнны,  
от колѣна Левгийна VI (12 000) запечатлѣнны,  
от колѣна Сахарова VI (12 000) запечатлѣнны,  
от колѣна Заулона VI (12 000) запечатлѣнны,  
от колѣна Иосифова VI (12 000) запечатлѣнны,  
от колѣна Вениаминова VI (12 000) запечатлѣнны.

**И**же тогда от еврей запечатлѣнни вѣянии из бывше римскаго пленения. Числомъ совершаютъ. Или еже есть паче вѣрнии еже и на кончине от иудейскаго роду спасени будутъ яко же апостолъ рече. Егда исполнение языческое будетъ. И весь Израиль спасется. Знаменати же и се яко колѣно Даново зане от него антихристъ ражается. Того ради к прочему не причитаются. Но в него мѣсто Левгиино. И еврейское преже не причитаемо. Иосифа же во Ефрѣма мѣсто сына своего положи. Подобно есть число со древними VI (12) еврейскими колѣнниками, Святымъ апостоломъ VI (12), яко же постави в нихъ мѣсто князя по всей Земли яко же пишетъ!

**И** отмѣннаго же сказанія колѣнъ сихъ етеръ преподобити образъ и разумъ. Понеже множицею обрѣтаемъ во Святыхъ книгахъ. От такого приключенія родителя имена здѣютъ яко же пишетъ. Илья рождешя рече видѣ Господь смирение мое. Нарече имя рожденному Рувимъ. Еже есть видѣнны сынъ второму же Симеонъ. Еже есть послушание, сирѣчь послушан мене Господь. Левгии же есть вмѣне мѣсто или само или приемлетъ. Июда исповедание, Исахаръ мзда. Заулонъ есть даръ. Невталимъ еже есть заступление или разумно, или стебло, Гадъ искушение, или напасть, или грады. Иасиръ блажение. Иосифъ приложение, или досаждение отятие. Вениаминъ денница солнца и сынъ днии, или сынъ болѣзни. Манасий забвение, Данъ же сказается судъ.

### **Глава К (20) О народѣ бесчисленемъ, иже имуть со Христомъ царствовать. От языкъ. (Числовое обозначение стиха в книге отсутствует.)**

**По сихъ видѣхъ и се народъ многого же исчисти никто же не можетъ. От всякаго языка и колѣна. И людии и племенъ стоящи предъ престоломъ и предъ Агнцемъ оболчены в ризы бѣлы и финицы в рукахъ ихъ. И возопиша гласомъ великимъ глаголюще, спасение Бога нашего сѣдящаго на престоле агньчи.**

Сии суть о нихъ же Давидъ рече изочту я и паче песка морскаго умножатся. Иже древле за Христа пострадаша, от всякаго колѣна и языка, и племени пролитиемъ своей крови Христа ради, ризы же своихъ дѣлъ убѣлиша. И побѣды образныя вѣтви в рукахъ имущи. Простыхъ и честныхъ сердечныхъ финикъ, и окрестъ Святаго Престола богомужскаго покоища веселятся. Яко приязниви раби Подателю, на дѣмоны написающе дерзости.

**ЧЗ (97) И вси ангели стояху окрестъ Престола и старцы и четири животныхъ и падуть предъ престоломъ ницы. И поклонишася Богу нашему сѣдающему на престоле и Агнцу глаголющу Аминь. Благоговение, и Слава, и премудрость, и хвала, и честь, и сила, и крѣпость Бога нашего и ныне и присно и во вѣкы вѣкомъ!**

Се единъ есть Ангель и Человекъ тогда со человеки начнутъ служити. А еже окрестъ престола стояние животныхъ и старецъ честь великую воздаяху Господу честь приемлютъ.

**ЧИ (98) И отвѣщавъ единъ от старецъ глаголя ми си оболченъ в бѣлыя ризы. И то суть и откуда приидоша и рѣхъ ему Господи мой Ты вѣси!**

Возбужаетъ вопрошаниемъ явлейся ему, дабы испыталь. Онъ же не видѣниемъ покорение предлагаетъ от него же научася.

**ЧФ (99) И рече си суть грядуще от скорби великия. И испраша ризы своя и убѣлиша в Крови Агньчи. Сего ради си суть предпрестоломъ Божиимъ. И служатъ Ему день и ночь в Церкви Божией сѣдяи на перстоле вселится в ня.**

Блаженни же временными страдаша страстьми, вѣчный покой приобрѣтають. Его же ради пострадавши за Христа. Тѣмъ с нимъ воцарится выну же служаще Его же Богу есть день и ночь. Здѣ скажутъ непрестающе ту бо ночь нѣсть но все день, всего мѣсто солнца. Праведнымъ Солнцемъ просвѣщаемъ. Разумѣет же ся ночь того дѣла. Сокровенныя и глубокия разума тайны. А день удобныя Церкви же сего вся тварь обнавляема духъ паче же иже обручение духовное. Цѣлой неугасного храняеть в них же веселится. И почести обѣща.

**Р (100) Не взалчють к тому ни вжачуть**  
Достойно бо Хлѣбъ Небесный и тому животну имуть!

**РА (101) Не имат же пасти на них солнце, ни всякъ зной.**  
Сирѣчь муки к тому неймут сотворити, время ни мучителну минувшу.

**РВ (102) Яко Агнецъ иже посредѣ престола упасеть я. И наставитъ я на источники водныя. И отиметь Богъ всяку слезу от очию ихъ.**  
Пасоми тогда Христось рече и нападаний вольчныхъ не убоятся. Яко се сленымъ имъ во огнь неугасающий. Но простымъ и яснымъ и разумъ Божий и источникъ неплотский упасет я подсказующи. Прикладомъ пространное истечение Святаго Духа.

**Глава КА (21) Отрешение 3 (7)-я печати являющи ангельския силы принося к Богу Святыхъ молитвы яко кадило.**

**РГ (103) И егда отверзе печать 3 (7)-ю и бысть безмолвие на Небесѣхъ яко поль години маловременно являетъ. И видѣхъ 3 (7) ангель иже пред Богомъ стояху и дано бысть имъ 3 (7) труб.**

Часто менить 3 (7)-е число яко симъ вѣщемъ предрержающаяся покоище Святыхъ. Тѣм же и здѣ разрѣшение. 3 (7) печати, разрешение сказает земскаго жития. 3 (7) же служаще ангель на показание невѣрныхъ и нечестивыхъ муку, требующихъ челоуековъ раны. А молчание ангельскихъ чинъ и говѣние. О Христове же Вторемъ Пришествии, ангеломъ есть безвѣстно. А еже пол години мало время являетъ. Егда язvamъ наводимымъ, и земскимъ скончавающимся, и Христово Царство являетъ.

**РД (104) А другой ангель прииде имѣя кадилницу злату.**  
Аще образы земскими, и широтными и инѣми многими образы Святымъ являютъся но невидими, и мысленни суть.

**РЕ (105) И дани быша ему темияни мнози. И дасть молитвами Святыхъ всѣхъ. И олтарь святыи и сущии предпрестоломъ.**  
Олтарь Христось на Немъ же вся служебная и Святая сила стоить. И мученичныя Жертвы приносятся. Ему же бѣ образ явления на горѣ Моисеовѣ сей скиниєю олтарь. А кадила молитвы Святыхъ и яко благоухания Богу предпрестоломъ же сирѣчь Святыми Силами.

**РС (106) Изыде дымъ кадилный молитвами Святыхъ и рукою аггеловою пред Богомъ. И взятъ ангель кадилницу, наполни ю от огня Сущаго на олтари, и положи на Землю.**  
Но несенныя ангеломъ Святыхъ молитвы и страстьми, кадилницу огня исполниша. На землю иссыпати сотвориша. Сего же ангела всякъ иерей образ иматъ яко ходатай к Богу и от челоуекъ, и от всѣхъ молитвы вознося. А сего милости износя. И согрѣшающая обраща. Или словомъ или казаниемъ ярѣйшимъ.

**РЗ (107) И быша гromии блистанія, и гласи, и труси. З (7) ангель иже имяху З (7) трубъ уготовившася да вострубятъ.**

Вся же преже кончины страшна знаменія являю. Яко и на Синайстей горѣ Божія пришествія, прикладни образы бываху. Вся устрашающа. И ко обращению мысленѣйша приводяща. Ангели же симъ служатъ яко былия Христу подобни. Лютую язву грѣшную исцеляюще. Ея же даны избавитель Христосъ Богъ нашъ. Ему же Слава во вѣкы вѣкомъ. Аминь

**Слово И (8)-е О седми ангель от них же первому вострубльшу. Град, и огонь, и кровь на землю исходить.**

**Глава КВ(22)**

**РИ (108) Первому ангелу вострубльшу. И быша гromи и огонь смѣшенъ кровію, и паде на землю. Третья часть земли погорѣ. И третья я часть древа погорѣ. И всяка трава злачная погорѣ.**

Град менить смѣшенъ со огнемъ и кровію преже кончины сходящъ по праведному суду Божию, от варварскихъ рукъ попаления. Человеческое убійствие. От них же мние Г (3)-я части сущихъ на земли и твари повидимей твари погибнуть. Не токмо от человекъ но и от земныхъ плодовъ. И Блаженный бо Иоиль. Кровь и огонь, и курение дыма, и прежъ великаго дние рече приити наше утверждает и о сихъ сказаніе.

**Глава КГ (23) О вторемъ ангели. Ему же вострубльшу и яже суть в мори. Душевная пагуба бываетъ.**

**РФ (109) И второму ангелу вострубль, и яко гора велика жгома огнемъ, и ввержена бысть в море. И бысть третья часть в кровь моря. И умре третья часть создании в мори, имуща душа. И третья часть людей и кораблей погибе.**

Море есть мольвное житіе се наричаемое. А еже суть в мори Г (3)-я часть скончאותся от нихъ Божиимъ судомъ глубокимъ иже о вы запятъ мучить. А другихъ ждетъ на обращеніе и на показаніе, яко же етери учителя непшеваша. Огнемъ яростнымъ во время свое Г (3)-я часть, отокъ сущихъ погубить. Яко же древле приноипесь твори.

**Глава КД (24) О третьемъ ангеле иже речныя воды горкия сотворить.**

**РИ (110) И третій ангель воструби. И паде с небеси звѣзда велия, горащи яко свѣща и паде на Г (3) части реки и на источницехъ водныхъ. И имя звезды глаголется Аксинфос. И бысть часть Г (3)-я вод яко пельнь. И мнози от человекъ умроша от вод яко горки быша.**

Звезду менить диавола с небеси спадаша. О нем же Исаія рече како спаде с Небесъ Денница, восходящія заутра. Аксинфос же горести пельня прикладаетъ. И то бо злое и горкое оболченіе сотвори. И тѣмъ умроша. Его же даны избавить Господь Богъ Милостивый, ему же Слава во вѣкы.

**Слово Ф (9)-е.**

**Глава КЕ (25) Четвертый ангель, солнечнаго и луннаго круга свѣтъ омрачаемъ.**

**РАІ (111) И четвертый ангель воструби. Язвена бысть Г (3)-я часть солныца и Г (3)-я часть лунѣ. И Г (3)-я часть звѣздъ да омеркнетъ. И Г (3)-я часть и день да не свѣтитъ. Г (3)-й части своейи ношъ тако же.**

Подобная суть и сия к симъ реченнымъ Иоилемъ о кончине глаголетъ же о Г (3) части яко и

тогда не едину наведеть Богъ злобу, но на Г (3)-ю часть временную. А оставльшая утешаетъ большею же частию покаяния ради.

**РВИ (112) И видѣхъ и слышахъ единъ ангель парящъ посредѣ небеси, и глаголющъ гласомъ великимъ. Горе, горе живущимъ на земли от прочихъ глас трубныхъ. И Г (3)-и ангель хотяще вострубити.**

И симъ милость и человеколюбие Божие ангель являетъ. Богоподобно милующи, кажемья грѣшники паче же болѣ и ранами на обращение не зрять ихъ же и горѣ достоинъ яко на земли живуще, и мыслящи земная и перьстию воняють в мира мѣсто излияннаго нас ради. А еже имуть на Небесехъ житие тѣхъ ждуть венцы неувядающи.

**Глава KS (26) О пятом ангеле, и восходящих от бездны и о разумныхъ пружѣхъ.. И о различныхъ отразехъ.**

**РГІ (113) И пятый ангель воструби. И видѣ звѣзду с небес падшу на землю. И данъ бысть ей ключъ студенца и бездны. И отверзе студенець. И взыде дымъ от студенца, яко дымъ пещи велики горяща, и омерче солнце от дыма студенечнаго. И изыдоша пружи на землю. И дана бысть имъ область. Яко имуть область скорпиеве земстии. И речено имъ бысть да не вредятъ травы земныя ни всякаго злака, ни всякаго древа. Токмо человеки иже неимуть печати Божия на челехъ. И речено имъ бысть дане убьють ихъ, но да муку примуть Е (5) месяцъ. И мучение ихъ яко мучение скорпиево. Егда сѣкнетъ человека. Звѣзда есть (ангелъ) Божии, егда с Небесѣ дѣмоны ввести осуженныя на муку грѣшныхъ.**

Яже Христосъ вочеловечися привяза в бездне. Да прежде кончины своея содѣявше, бесконечную муку примуть. Дымъ же есть омрачение предходящи и злыхъ прикладныхъ дѣлъ ихъ. Имъ же ся явльшемъ. Власть симъ мучити человеки дана бысть. А солнечное и аерское омрачение наслажающихся свѣта сего являютъ душевную слѣпоту. Тая бо сущихъ в болѣзни свѣта вмѣняются. А еже пружи мыслени, исѣкаються человецы. И по подобию скорпийстии являетъ совершение злыхъ дѣлъ. И пакостную души скверную смерть. Яже приемлють не знаменавшеися Божиимъ печатемъ на челехъ. Пять месяцъ менить мало время. Аще бо быша не прекратилися дние тии, не бы спаслася всяка плоть по Господню Словеси. Или время нѣкое пятое. За пять чювьствий ими же грехъ входитъ в челоуѣки, или время нарочно Богомъ единомъ знаемо.

**РДІ (114) В ты дни възыщутъ человецы смерти и неимуть обрести ея. И вожделѣють умрети и бежить от нихъ смерть.**

Симъ прикладна сказается злоба. Обычай бо есть стражушимъ призывати смерти не могущимъ терпѣти мучения. А еже просящимъ сея не приходитъ Божичъ судбахъ висить. Имъ же ся на ползу судить. И горестию старостною да невѣстно будетъ грѣхъ челоукомъ. Яко от сего страждущихъ.

**РЕІ (115) Уподобление пругомъ, подобна конемъ уготовленнымъ на брань. И на главахъ ихъ вѣнцы яко злату. И лица ихъ яко лица челоуча. И имяху власы яко власы женьски. И зубы ихъ яко лвомъ бѣша. И имяху броня яко броня желѣзны.**

Дѣмоны глаголетъ уготованыя на нашу брань. На главахъ же вѣнцы злати на нашу брань побѣждени зряще. Имъ же мы егда побѣждени будемъ злою побѣдою славною, венчаются. А власы женстии являютъ сластныя смерти являютъ дѣмонския. И на любодѣяние поставляюще. Лвовы же зубы убийство и адъ. А броня жестосердие.

**РСІ (116) Гласъ криль иже конь много текущихъ на брань, имѣяху опаши подобно скорпиемъ. И жала на опашехъ ихъ область ихъ вредити человеки (5) месяцъ имуще над собою царя ангела бездны. И имя ему Авадонъ. А гречески гласъ имя имать Губя, горѣ**

**едино отиде еще два горя посихъ.**

Глас крыль мысленныхъ пругъ. Придается глас войстемъ за высоту ихъ. Воюют на ны выше. Яко рече Давидъ опаши ихъ подобни скорпиемъ. Грѣшная совершения являют. Разумеваючи душевную смерть. Имъ же пять мѣсечная мука на человекѣ приходит. Или пять чювствий человекъ глаголетъ. Царя же сихъ диавола разумѣвати надобно. Иже во истинну губить слушающихъ его. К нему противу взали быхомъ брань. Сказуютъ намъ два горя иже хочеть прийти по сихъ.

### **Глава КЗ (27) О шестом ангеле, и числеемъ двоюстем.**

**РЗИ (117) И шестый ангель воструби, и слышахъ глас от Д (4)-ро рогъ и олтаря златаго сущаго пред Богомъ. Глаголюще к шестому ангелу. Имѣяй трубу и разрѣши Д (4) ангелы, связаныя на реце Ефратстей и разрѣшени быша Д( 4) ангели уготования на брань и годину и день и месяц и лѣто. Да избияют Г (3)-юю часть человекъ и число конникъ дволицею тмы тмами.**

Си суть Д (4) ангели глаголюю нѣцыи Михаилъ и Гавриила Уриилъ и Рафаила. Иже суть привязаны ввеселия Божия привидѣния, посланы же будутъ на судный день. З бесчисленными ангелы на осуждение нечестивыхъ. От нихъ же Г (3)-я часть человекъ просмраждена будетъ. Азь же мню, яко си суть от злыхъ дѣмонъ привязанныхъ при Христове Пришествии. Яже по Божию повелению, от Небеснаго олтаря. Ему же есть образ иже бѣ в ветсей скинии. И шед ангель отрѣшитъ яко да смутят вся языки. Не токмо христианъ но и ины. Да и суще ни вѣрнии явлени будутъ. Яко болшихъ возданий мѣста достойны будутъ. Яко и пшеница зрѣла, а нечестивии зѣло грѣшницы непокаявшесе яко в плевелы во огнь ввержени будутъ. Аще ли во Ефрате привязаны будутъ. Ничто же дивно, овии бо суть в бездне, овии же во свиняхъ, а друзии же на инѣхъ мѣстехъ. Яко же есть годѣ Богу сего ради и Ефрата менть. Яко от тѣхъ странъ имать изыти антихристъ. По множествѣ же дѣмонстемъ вся Святии отцы глаголють яко исполнь ихъ есть весь аерь.

**РИИ (118) И тако видѣхъ коня видѣниемъ, и сѣдящая на нихъ имуща броня огнены, и акинѣны и жупелы. И главы конемъ яко главы лвомъ. И из усть ихъ исхожаше огнь. И дымъ и жупель. И от трей язвъ ихъ погибе Г (3)-я часть человекъ. От огня дыма и жупела исходящаго изо усть ихъ область бо онѣмъ во устѣхъ ихъ бѣ. И опаши ихъ подобии змиемъ имуще главы, и тѣми пакости дѣяху.**

Коня непшую менть любодѣя и скотския человекеы, или сущая дѣмоны. И всадники же владущая сими. Обычай симъ не токмо собою но и злыми человеки. Яко сосуди человкомъ пакости дѣяти. Огнены же брони аерьскихъ духъ знамение вѣчнаго горения. Главы же лвовы убийственное ихъ и звѣриное знамение глаголетъ. А еже от усть ихъ исходитъ огнь или ядовитыя ихъ напасти от нихъ же восходятъ грѣхы, и плоды сердечныя поपालютъ. Или отварварскихъ рукъ бывающая пожжения градомъ и пролития кровемъ по Божию оставлению. Опашихъ же ихъ кончания дѣмонскихъ сияний, ядовитыхъ грѣхъ, и душевная смерть.

**РФИ (119) И прочии от человекъ непогибоша язвами, ни покаяшася от дѣлъ своихъ. Да не поклонятся дѣмонови. Или идоломъ златымъ или серебрянымъ или мѣдянымъ, и каменымъ и деревянымъ. Иже видѣти не могутъ. Ни слышати ни ходити, и не покаяшася от убийствъ ихъ ни от тадбы ихъ.**

И прочии бѣша от человекъ иже пощадѣны быша милостию, и сихъ не пострадаша, и непокаявшесе пребыша. Ни идоль ся отрѣкоша. ни убийства, ни любоддеяния ни татебъ своихъ ни чародѣяния. Под тою виною пойдуть. И являет же ся отнихъ на весь миръ навести гнѣвъ. Различна бо рече смерть и леть блазнить непознавшая языки истины. И овии бо ся кланяють идоломъ. А друзии в творца мѣсто твари. Аще и паче Бога исповѣдають видети.

Отмѣтают же ся дѣлы. Образ Благовѣренъ имущѣ силы Его отрицающесе, а мамоне служить. Явялющимъ же намъ добрая дѣла велика. Буди милость от Иисуса Христа Бога нашего. Ему же Слава.

### **Глава КИ (28) О ангеле одеяномъ облакомъ и дугою проповѣдающе о кончине.**

**РК (120) Видѣхъ инъ ангель крѣпокъ сходящъ с Небеси, оболченъ во облак и дуга на главѣ его. И лице его яко солнце, и нозѣ его яко столпа огнена.**

Ангель светъ есть облакы же и дуга свѣтъ, ангельское видѣние являетъ небеснымъ различием, столпа же огнена страх и муки являетъ.

**РКА (121) Держа же в руцѣ своей книжица разгбены. И поставити ногу свою десную на мори, ащую на земли. И возопи гласомъ аеликимъ яко же левъ рыкаетъ. Егда возопи возгласиша 3 (7) гром.**

Книжица сия малыя zelo лукавыхъ помышления и дѣла непшую имать. Нози же поставлени на земли и на мори муку являетъ зло творящимъ на земли и на мори. Глас же страх непостояненъ прещения своего показываетъ. А 3 (7) гром непшуетъ или 3 (7) глас от единого ангела исходящъ и раздѣляющъся, или инѣхъ 3 (7) ангель проповѣдающъ будущая.

**РКВ (122) И егда возгласиша седмий громы, хотѣхъ писати, и слышахъ глас с Небесѣ глаголющъ, запечатлѣй яже глаша 3 (7) громи и посихъ пишеша.**

Симъ неявленномъ скажетъ быти инѣ самѣмъ искушениемъ вящими сказа намъ. Имже от Небеснаго гласа назнаменати. А совершеннаго разума сихъ неизяснити на послѣдняя лѣта щадима. Заечатлѣнна бо и сокровенна словеса и Даниль сказаше.

**РКГ (123) И ангель иже видѣхъ стоящъ на мори и на земли воздвиже руку свою десную на небо и клятсѣ живущимъ во вѣкы вѣкомъ. Иже созда на Небеси вся и на земли и вся яже на ней и море яко в немъ, яко лѣтъ уже не будетъ.**

Будетъ бо убо понеже и нѣмъчимъ не имать клятися болши себе. Собою ся кленеть, ангели же тварь, глаголемая и меншего невѣрствия ради. Извѣстующе лѣту к тому небыти. Или будущемъ егда лѣта нѣсть но солнцемъ расчитаемъ. Но животъ вѣчныи число лѣтнее преходя. И лѣта долгота не будетъ.

**РКД (124) По дни гласи 3 (7)-го ангела егда имать вострубити и скончати Слово Божие. Яко же благовѣсти своими рабы пророки.**

Прореченная преже пророкы древле кончины в будущи и въ 3 (7)-и вѣкъ збудетъся Благовѣщение еже есть сихъ исполнение сирѣчь за блаженный и святой покой.

### **Глава КФ (29) Паки книжица от ангела Евангелистъ приять.**

**РКЕ (125) И глас иже слышахъ с Небеси паки бесѣдующъ со мною и глаголющъ. Иди и приими книжица разгбеныя в руцѣ ангела стоящаго на мори и на земли.**

И здѣ етер ангель болша сила, и Евангелисту велящи являетсяъ книгами разумъ явленнымъ отсюда прияти.

**РКС (126) И идохъ ко ангелу глаголя ему даждь ми книжица. И глагола ми приими и снѣжь я и горки будутъ во чревѣ твоемъ. И во устехъ твоихъ яко медъ сладкий.**

Сладкий тобѣ рече будущи разумъ обаче огорчихъ чрево. Сирѣчь словесную службу подающей. И милостию Божия гнѣва. По суду и раны приемлющихъ. Разумѣетъ же ся и инако, яко понеже свѣтъ сей. Искушениемъ злыхъ дѣяний, не вкуси книжныхъ снѣдений. Яже дѣла зло дѣющихъ в начатце грѣху сладка. Горка же поядении за воздаяние улучится.

**РКЗ (127)** Прияхъ книжица от руку ангелову и снѣдохъ. И быша во устѣхъ моихъ яко мед сладкий. Егда снѣдохъ горки быша во чревѣ моемъ.

Сладки книги в начатцѣ разума ради. Горки же при кончине мукъ ради грѣшныхъ. Яко же есть и грѣхъ сладокъ вкушениемъ в начатцѣ. Милостиви же суще Святии, срадующимся радуются. С плачущими плачють.

**РКИ (128)** И глагола ми подобаети паки пророчествовати в людехъ, и в племенехъ и языцехъ и царѣхъ мнозѣхъ.

Сии сказають яко неудобо повидѣнии Божия откровения, но видѣниемъ подобаетъ быти Блаженному. Евангелиемъ Своим и Апокалипсию сею и до кончины прорицати будущая, почитающий, яко у не есть смерти вкусити. На кончину прийти ему подобаетъ возбраняющия антихристовы лъсти не приемати.

**РКФ (129)** И дана мнѣ бысть трость подобна жезлу глаголюще востани, и измѣри Церковь Божию, и олтарь и кланяющаяся в Ней. И дворъ сущий внутри Церкви изнеси вонъ, и не измѣри его. Яко данъ бысть языкомъ, и град святыи поперуть М (40) месяць и два месяца.

Се ся тростию являетъ яко вся умна суть сущая на Небеси яже суть в нас бездушна. Яко се и олтаря и престоль и нѣкая глаголетъ бо ему востани и размѣри. Аще ли же кто речеть яко ангель есть рекль да разумѣть, размѣрение сказають разумъ иже приемлетъ каждо по достоянию. Дворъ же внутрений, яко глаголють нѣции, Ветхий Законъ. А в иннѣшний новый законъ, за множество спасаемыхъ в немъ неизмѣрное. Житие же МВ (42) месяца являетъ мало лѣтъ держати новый законъ до Христова Пришествия. Мы же глаголемъ Храмъ Божий есть Церкви в ней же словесныя службы творимъ. Дворъ же внѣшний невѣрныхъ языкъ иудейским. Градъ же новый Иерусалимъ или церкве языцкии со антихристомъ осквернятся поль Д (4)-та лѣта вѣрныя прогоняюще.

**Глава Л (30) О Еносе и Илии хотящею обличити антихриста.**

**РЛ (130)** Дамъ обѣма свѣдѣтелема моима прорицаета в тысячу и С (200) и М (40) днии, и оболчена во вретичи. Си ест два маслицы и два свѣщника пред Богомъ земля стояща. Си еста Еногъ и Илия и время от Бога приимша на кончине пол Д (4)-го лѣта имата пророчествовати. Вретишною же одежею сѣтование и плачь являетъ о лъстимыхъ тогда антихристомъ. Яко же Захария в видѣнии двою маслину и свѣщнику сказають за пищу свѣта разумнаго. Милость богоугодныхъ дѣяний носяще.

**РЛА (131)** Иже има неправду сотворить огнь исходитъ из устѣ ею, и поядаетъ враги ея иже хочеть обидѣти я. Сему подобаетъ убиену быти. И си имѣти власть затворити небо да дождь не падеть. И во дни прорицания ею, область имѣти имуть на водахъ обращати я в кровь и поразити землю всякою язвою елико аще восхоцета.

Дивна Божия Милость. Како противу язвѣ приносит и бальство. Понеже и всѣми знамении и чудесы лжими всѣхъ чародѣицъ повинникъ будетъ антихристъ во явлении си дѣло приимъ. И силу истинныхъ его знамений и чудесъ. Святая сия вооружить Богъ. Преложениемъ Истиннаго свѣта прельщенья обращающу, словомъ же учительнымъ и ранами казательными лѣса же обличающе. И ни что ж ни от кого приемлюща дондеже свое пророчество скончаютъ.

**РЛВ (132)** Егда скончаютъ свѣдѣтельство свое, звѣрь восходяи от бездны, сотворить с ними брань, и побѣдитъ я и убьетъ я. И трупъ ею оставитъ на стогнахъ града великаго, еже наречетъ духовно. Едемъ Египетъ судомъ его повержетъ идѣ же Господь ею же

**распятъ бысть.**

И потом же его да свѣдѣтельствуе рече от лъсти избежати звѣри. И звѣрь сей сирѣчь антихриста восходяща. От темныхъ от глубокихъ мѣсть земныхъ. Идѣже есть диаволь осужденъ и убитъ я по Божию оставлению. И не погребенѣ оставитъ телеси ею во Иерусалиме. Идѣ же Господь ею пострада ту бо начнетъ и царствовати по побѣде Давидове. Ему же Господь бысть по плоти сынъ Иисус Христосъ, Истинный Бог наш. Да симъ себе сотворитъ Христа быти, яко совершая пророческое слово, и воздвигну скинию Давиду падшуюя и раскопаную созижду. Иже жидове блазнащеса во огнь пришествие мнѣть.

**РЛГ (133) И зрѣть от люди коленъ от языкъ, и племень трупу ею три дни и пол, трупу ея не оставятъ положити во гробе три дни и пол дни. И живущии на земли возрадуются о нею и возвеселятся и дары пощюють другъ другу. И елико оба сия пророка мучиста живущая на земли.**

Иже будутъ рече научени лжими чюдеса антихристовы. Имѣй держашая зрящее то имя в сердцахъ своихъ написавше от иудея же и языкъ, погрѣсти убо Святая телеси ею не дадут. О избытии же ранъ. Яже обращения ради ношаста, возвеселятся. И непомысляще яко его же Господь любить того же и кажетъ Того бо есть милости и во вѣкы. Аминь.

**Слово АІ(11). Како убиенъ будетъ Илия и Енохъ антихристомъ. И воскреснѣта паки. Глава ЛА (31)**

**РЛД (134) По трехъ дней же и пол дни, Духъ животень от Бога внидетъ в ня, и стануть на ногу своею от Бога. И страхъ велий нападетъ на зрящая ею. И услышати глас велий с Небесе глаголющъ има и въздите сѣмо и въздуть на Небо на облацехъ.**

Равно числу лѣтомъ пророчества ею Г (3) дни мертва быща. Рече и воскреснѣта и на Небо на облацехъ по образу Господню въздѣта и страхъ и ужасъ видящимъ бывающая.

**РЛЕ (135) Видѣшая врази ею и в той часъ бысть трусь велий. І (10)-я часть града падеть и погибнѣть трусомъ именъ человеческихъ #3 (7000).**

И можетъ же то явѣ тогда быти. Разумно же движимыхъ преложение, и утвержение сказаеъ. І(10)-я часть града падеть нечестивымъ падениемъ. #3 (7000) погибѣ в его жития. 3 (7) время прикладаетъ иже в геонѣ В (2)-ю смерть примуть.

**РЛС (136)**

**И прочии пристрашни быша и даша славу небесному. Горе второе отиде и се горе третье е грядеть скоро.**

Достойный рече и Бога прославлять подвою же рече горе Г (3)-е придет со мноюю язвою.

**Глава ЛВ (32) О трубѣ и о поющихъ Бога Святыхъ на будущемъ вѣце.**

**РЛЗ (137) И седмый ангель воструби. И быша гласи велицы на Небесехъ глаголюще. Бысть царство всего мира Господа нашего Иисуса Христа и воцаритя во вѣкы векомъ Аминь. И К (20) и Д (4) старцы сѣдящи пред Богомъ на престолахъ своихъ и падоша ницы и поклонишася Богу глаголюще хвалим Тя Господи Боже нашъ Всерѣжителю сый. И бывая и грядый. Яко приять еси силу Твою великую. И воцарися и языцы иже Тя прогневаша, и прииде на ня гнѣвъ Твой.**

И здѣ паки Святии и ангели, и живше ангельски и хвалу воздають Богу рече, яко человекъ сподобися. А не вѣрнымъ языкомъ о сем разгнѣвлшимся яко бысть ново и ту же прият терпѣвъ же на концы судъ сотвори.



**РЛИ (138) И время языкомъ судъ прияти я. И та дая мзду рабом своимъ пророкомъ и Святымъ боящимся имени Твоего, малымъ и великимъ растлѣти просмражшего землю.**

Время рече мертвымъ воскресение вонже комуждо свой начатокъ данъ будетъ. Пророки же и Святыми всѣми боящимися Бога Г (3) чины разумѣвати, иже остѣ плодятся и 60-ю и 30 малыя же и великия или меньшая саниты. Или болшая или меньшая яко уничижены грѣшники великия же праведники к ним глаголетъ.

**Глава ЛГ (33) О церковныхъ прогонениихъ. Первѣйшихъ. И пакы при антихристе.**

**РЛФ (139) И отверзе Церкви Божия на Небесѣхъ. И явися корабль завѣта Божия в Церкви Его. И быша блистания, и гласи, и громи. И труси. И град велий.**

Отвержениемъ небу, и видѣниемъ корабля уготованная благая Святымъ открываются тогда. Егда на беззаконныя и на нечестивыя гласи страшны и молния. И громи приидуть яко и градъ геоньския муки, трусомъ сущимъ прелагая.

**РМ (140) И знамение велие явися на Небеси се жена оболчена в солныце, и луна под ногама ея и на главѣ ея вѣнецъ от звѣздъ ВІ (12).**

Святую церковь менишь оболченну в солныце праведное. И луна ветхий законъ под ногама имуще и на главѣ ВІ (12) венец апостолску учение имуще.

**РМА (141) Во чреве имуще и вопиеть болящи и стражущий родити.**

Болящи страждущи раждаючи, претворяючи крещениемъ плотския духовныя.

**РМВ(142) Явися ино знамение на Небеси и се змѣй червень великъ имѣя и главъ 3 (7) и рогъ І (10), и на главахъ его 3 (7) венець.**

Небо айерь менишь змия же диавола. И червьность же убийство его, и кровопийство, и чермность ангельския усия. Аще и от ангельсте спалъ. Главъ же его 3 (7) злыя бо мысли и силы противныя добрымъ дѣломъ или 3 (7) духъ яже во Евангелии рече Господь или 3 (7) злобъ яже Соломонъ рече. Розы же являютъ противление. І (10) заповѣдей в Ветсемъ Законе. Или раздѣление царствиемъ, и самому красоту приносящи 3 (7) венець за неже дѣмоньскими дѣтелями побѣждаетъ От туду венца приемлють.

**РМГ (143) И хоботы есть влекий Г (3)-ю часть звѣздъ небесныхъ, и вложи я в землю.**

Или преднее его спадеть с небеси менишь. И пособѣ отступники ангелы. Явѣ завистию и гордынею сверже я и потомъ егда сокрушена бысть глава его хоботомъ подвижа, неутверженныя совлече с небесыя мысли. Иже ся нарицають звѣзды. Хрусталныя свѣтлости дѣля.

**РМД (144) И змѣй стояще пред женою хотящею родити. Да егда родит, чадо ея снѣсть.**

Диавола менишь противу церкви стоящаго. Обновляемая крещениемъ во вся дни хотящая снѣсти. Паче же Церкви яко Главу ея сущи. И яже сущихъ вѣрныхъ своя творящи. Тѣмъ же яко и Савлу глаше что Мя гониши.

**РМЕ (145) И роди сына мужеска полу иже иматъ упасти жезломъ желѣзнымъ вся языки.**

Выну крещениемъ Церкви Христа ражаетъ иже иматъ упасти вся языки вѣрою. Мужеский же пол церковный санъ. Людие суть держащиися крѣпко от похоти.

**РМС (146) И восхищено бысть чадо ея к Богу и престолу Его.**

Восхищени бо бывають святии от мукъ. Да ихъ не поглотить напасть яже есть больше силы.

Восхищени же будутъ во стретѣние Господне на аерѣ, и пред престоломъ Его со агельскими силами стануть.

**PMЗ(147) И жена бѣжа в пустыню, идѣже мѣсто уготованно тамо от Бога да ту питают ю #А (1000) дний и СОИ (278)**

Пустыни же есть отпущение злобы, и ислѣния. В няже ся вложьшеса Святии и примуть избраннии от жития сего избѣгнутъ. Не брегуще ни о чем же. Или в пустыню горкую бежат скрытиса от лица антихристова пол Д (4) лѣта. Яко же первомученицы дѣяху. Ихже молитвами да нас избавить Христось Богъ нашъ. Ему же Слава во вѣкы вѣкомъ. Аминь.

**Слово VI(12)**

**Глава ЛД(34) О брани бывшей между Святыми ангелы и злыми силами. И падении змиеве.**

**PMИ (148) И бысть брань на Небеси, Михаилъ и ангели его брань сотвориша со змиемъ. И змий брася и ангели его невозмогаша и мѣсто не обрѣтеша им на Небеси.**

Яко брань сотворилъ диаволь со ангелы Божиими. И побѣжденъ будетъ. Может же и се быти, подобно первому дияволу отпадению. Гордыня ради и зависти, от ангельскаго чина. Или егда Господнимъ Крестомъ разрушенъ бысть. Яко же речет Господь, нынѣ князь мира сего осужденъ бысть. Его же гордыня Святии ангели и с своимъ Архистратигомъ не терпяще достойно свергоша от своего жилища. Первие яко же рече Езекий херувимъ изверже и от среды сирѣчь ангельскихъ чиновъ. Зане обретоша внемъ неправды. И Святии же Отцы глаголют, яко по сотворении видимаго мира сего ради спаде.

**PMФ(149) И положенъ бысть великий змий. И змий древни и сотона нарицаемый диаволь, лстыя всю вселенную. И вложенъ бысть в землю и ангели его с нимъ ввержени быша.**

Подобно не можетъ бо Небо носити земныя мысли, яко же свѣту тма непричастна бысть. Наричает же ся обѣма именама сима овѣмъ яко клеветникъ оклеветал человеку Богу, а Бога человекомъ. Яко и Адаму завистника нарече. А другимъ яко противника противяся Богу и рабомъ Его.

**PH (150) И бысть глас велий на Небеси глаголя, нынѣ бысть спасение и сила и царство Бога нашего, и область Христа Его. Яко низложенъ бысть клеветникъ. Братия наша клеветая и о нас пред Богомъ нашимъ день и ночь.**

Противление и клевета на человеки диавола нарече еже и есть. Веселятъ же ся ангели о совершении его, кое убо причастие вѣрнымъ с невѣрными.

**PHА (151) И тии побѣдиша за Кровь Агньчюю. И за Слово мучения ихъ. И не возлюбиша душа своя до смерти. И сего ради веселятся Небеса и живущии на нихъ. Горе земли и морю яко сниде диавол к намъ, имѣяй ярость великую яко время мало имать.**

И клеветаеми имъ рече человецы яко же ово ко всѣмъ человекомъ послушающимъ его обаче побѣдиша и Христовами муки веселятъ же ся вышняя силы о спадении его и скорбятъ о прилежащихъ земнемъ. Горе же неймушимъ жития на Небесѣхъ но на земли, и мнози бо от сущихъ на земли побѣжаютъ врага и побѣдятъ. Аще паки нынѣ наподвигающая ярится занеся приближаетъ мука ему.

**Глава ЛЕ (35) Како не почиваетъ змѣй гоня Церковь.**

**PHВ(152) И тогда видѣ змѣй яко низложенъ бысть на землю гоняще жену, яже роди**

**мужескъ поль. И дань бысть женѣ обѣ крылѣ орла великаго. Да парить в пустыню в мѣсто свое. Идѣже препитана быша то время, и времена и пол времен от лица змиина.** Егда рече диаволь Христъ приражашесь отпаде и на Святыя Апостолы вооружся и постыдисѣ и смертию живот обрѣтшея узрѣвъ я. И яви змия поземли воюющася. Землю ясти осуженъ быхъ, сирѣчь земския мысли. Тогда начать Церквь гонити. Паки рождешую и раждающую мужескъ поль. Божия люди не ослабивья. Двѣ же есть крылѣ два завѣта Ветхий и Новы и дань бысть и с има парящи в пустыни. Сирѣчь слабыя и всякия похоти питаясь. Паче же егда антихристъ придет иже имать держати толико время. И вняже сего бѣгающе в пустыню. В горахъ и в вертепехъ начнут крытися.

**РНГ (153) И низложи змий изо усть своихъ воду яко рѣку да ю в рецѣ потопить. И поможе земля женѣ. И отверзе земля уста своя, и пожретъ реку ю же низложи змий изо усть своихъ.**

Написати яже имать Церкви пострадати от слуг антихриста Изо усть его сирѣчь от повелѣний его реку глаголет. Нечтивыя мужи, или дѣмоны злыя. Или различныхъ напастей множество на ню исходящъ, дабы ю погубил. Земля же ей поможи или долготою путь и трудным безводием и сухотою лукавых удержатъ, стремления.

**РНД (154) Разгневался змѣй на жену. И иде сотворить брань с сѣменемъ ея и соблюдающимъ заповѣди Божия, и со имущимъ свѣдѣтельство Иисусово.**

Большая церковная учителя и презрящая земная, прешедшая в пустынныйя страсти аще и сихъ грешит антихристъ. На ополчающася всемъ мире во Христъ изведеть брань рече. Мнози же сихъ за не воистину Христа возлюбятъ и побѣдятъ ихъ.

**Глава ЛС (36) О звѣре имущемъ I (10) рог и главъ 3 (7). От нихъ едину яко заколену рече.**

**РНЕ (155) И стахъ на песцѣ морьстемъ и видѣхъ из моря звѣрь исходящъ. Имушь роговъ I (10). А главъ 3 (7). И на розѣхъ его I (10) венець. И на главахъ его имена хулна.** Море есть молвное житие неправедныхъ в мире семь. Звѣрь же есть антихристъ. Розы же со главами и вѣнцы единение еже имать кодия волю антихристъ являетъ. I (10) рогъ I (10) царь иже к нему обратятся, имена же хулная, 3 (7) же главъ его сирѣчь слуг его.

**РКС (156) И звѣрь восходящъ видѣхъ. И бѣ подобенъ и рысицы, и ноги ему яко медведь. И уста ему яко лвова.**

Рысицу Еллинское царство менишь. Медвѣдь же Перское. Левъ Вавилонское. Ими же обладает антихристъ пришедъ яко римский царь сихъ дрѣжаву разрушитъ. Егда скудѣлныя персты ногъ узрѣвъ возвеличится. Ими же на I (10) части является яко немощно удобъ сотворено царство разделить.

**РНЗ (157) И дасть ему змий силу свою, и престоль свой и область свою великую.**

И дати имать сатана на всю силу свою антихристу. И лживыми привидѣний и чудесы на пагубу неутверженымъ.

**РНИ (158) И едину от главъ своихъ яко заколену в смерть и язва смерти его исцели.**

Главу менишь яко заколену, или етера от князя его умертвена. И привидѣниемъ лестнымъ воскресима. Или римскую пагубу раздѣлениемъ заколену во едину державу исцелити мниму, по образу Августа Кесаря.

**РНФ (159) И чудися вся земля во слѣд звѣри. И поклонися тому змию, яко дасть область звѣрю глаголаше кто подобенъ тебѣ звѣрю. И кто можетъ сотворити брань с**

ними.

За привидѣния антихристова и диаволу поклонятся омрачении. Имъ же мертвыя воскрешая и знаменія творя явится имъ.

**РѢ (160)** Дана быша ему уста глаголюще вельми хулы. И дана бысть ему область сотворить месяц М (40) и В (2). И отверзе уста своя в хуление к Богу. Хулити Имя Его и скиния Его живуща на Небеси. И дано быть ему сотворити брань со Святыми и победити я.

По ослаблению Божию пол Д (4) лѣта сотвори антихристь губя вся и прельщая бывающими от него злыми чудесы. И привидѣний. И скиния же есть во плоти Словеси Божия вселения. Покои же есть на святыхъ на нюже начнетъ хуловати.

**РѢА (161)** И дана бысть ему область на всякомъ колѣне и на людехъ. И на языцехъ и племенехъ, и поклонятся ему вси живущей на земли. Горе, горе, им же суть не написана имена в книгахъ животныхъ Агнеца заколеного от сложения всего мира.

Сими бо языки и людми насилиемъ область имать. Тѣмъ же паче им же имена не написана суть в книги животныя.

**РѢВ (162)** Иже имать ухо слышати да слышитъ, иже во пленение идуць. Аще кто оружиемъ убиеть, подобаеь бо ему убиену быти. Здѣ есть терпѣние и вѣра Святыхъ. Досотинъ бо рече кождо дѣль своихъ начатокъ приемлетъ. Иже бо зло творять искренимъ. И удобъ пленени будутъ антихристомъ. Не приязненыхъ оружиемъ душегубную смерть примутъ. Имуще же вѣру и терпѣние, книгамъ животнымъ да сподобятся. Им же и насъ сподобитъ причаститися Боже нашъ. Ему же Слава во вѣки. Аминь.

**Слово ПІ (13)**

**Глава ЛЗ (37) О звѣре имущем В (2) рога.**

**РѢГ (163)** И видѣхъ инѣ звѣрь восходящъ от земля и имяше два рога подобна агньчу и глаголаше ко змию.

Звѣрь сый лживый пророкъ есть из земля убо исходящъ сирѣчь из земнаго сквернаго жития. Имѣяй же два рога подобна агньцу. Глад каже за сокровенный волкъ в кожи овчии. Убийственное покрывающи за образ благовѣрныя вѣры, в начатце его. Яко змий же глаголетъ злочалнаго врага диавола дѣла содѣлаеьт иже бесѣдуетъ.

**РѢД (164)** И власть перваго звѣри всю творяще пред нимъ и творяще земли и вся живущая на ней. И поклонитися звѣри первому. Ему же целена бысть язва смертная и сотворить чудеса велия. Да и огонь сотворить сходити с небеси на землю пред человеки. Вся рече здѣ привидѣние отступнаго лжи антихриста предътече на прельщение человеческое. Да быша яко бога имѣли антихриста. Яко от таковыхъ чудесъ свидѣние приемлюще. По образу Крестителя Иоанна, не дивно же видѣти огонь с небеси спадающъ, понеже и во Иове пишеть тако.

**РѢЕ (165)** Льститъ живущая на земли. Знаменія же дана быть ему пред человеки творити.

Лститъ же рече чѣловеки иже иму на земли скверное житие. А иже имуть на небесехъ житие. Не прельститъ ихъ привидѣниемъ утвержены крѣпко. Прохлажениемъ пришествія его.

**РѢС (166)** Глаголя живущимъ на земли сотворите тѣло звѣреви, иже имать язву оруженую и живъ бысть. И дано бысть ему дати духъ звѣрѣному тѣлу. Да проглаголетъ тѣло звѣриное и сотворить, да иже не поклонится тѣлу звѣриному,

убиень будеть и сотворить вся малыя и великия, богатыя и убогыя, свободныя и работныя. Да дасть имь начертание ихъ на десней руцѣ, и на челехъ, и да никто же ихъ не возможетъ купити или продати токмо иже имать начертание, на челѣ своемъ имя звѣрино число имени его.

Имя звѣрино, в число имени его пишется множицею привидѣниемъ возглаголеть, и образы и телесы дѣмонскими и трупы мертвыхъ яко Симанъ Волхвъ показа римляномъ мертва лежаща. Аще и Петръ обличаетъ како мертвии востануть, тако и тогда заступникъ антихристовъ ничто же кромѣ дѣмонъ издѣваетъ. И сотворить во образъ зверинь. И покажет глаголющи. Дабы прельстиль люди. Осудит же избивати иже есть ему не поклонить. И начертание же пагубнаго имени отступника. На вся наложити потщится на десницахъ же да добрыхъ дѣлъ отсечетъ. Дѣтели о начале давольстий тмѣ и начнутъ прельщенные являтися имь, но не примутъ знаменавшеся Божию Печатию лица своя, и число звѣрино пространити начнутъ в купляхъ, и в продани ихъ. Да иже сего примутъ от потребныхъ и нужда смерть приемлють.

### **Глава ЛИ (38) О имени звѣрине.**

**РЪЗ (167) Здѣ мудрость есть иже имать умъ да почитаетъ число звѣрино. И число бо челоѣческо и число бо его Х. З. и С.**

Истоние число имени его яко и прочая писания о немъ являютъ, времени искушения тогда. Аще бо бы явѣ разумѣти тако во время. Иже бы разумѣль и узрилъ обличилъ бы, но не изволи Божия Благодать во Святыхъ книгахъ написану быти пагубному имени, искушением же многа имена можетъ кто создати и обрѣсти число имуща по греческому языку, и по иному, яко се имать пентитакъ. Пендиктъ. Злу наставний истовне пакостникъ древле клеветникъ и агнецъ неправедень. От сихъ бо имянъ противныхъ лествя его наречется свою славу в студѣ полагая.

### **Глава ЛФ (39) О #Р#М#Д стоящихъ со Агнецемъ на горѣ Синайстей.**

**РЪИ (168) И видѣхъ же се Агнецъ стояше на горѣ Синайстей и с Ним #Р #М и #Д (144 000) имущи Имя Его, и Имя Отца Его написано на челехъ своихъ.**

Агнецъ есть воистину Христосъ на ветсей горѣ Сионьстей стоя. Но на новой же есть Живаго Бога градъ си же тысуща или много полжение апостольскаго сѣмени являетъ сущая Благодати в коемждо. Или еже суть Новаго Завѣта чистоту сохранили свою. По внутренему же и внѣшнему челоѣку, обрѣтесе тѣмъ же инѣй суть кромѣ реченныхъ имянъ первѣе. Обою на І (10) колѣну Иевлеву. Ими же чистоты плотскія не прирече сихъ же всехъ целая свѣтомъ Божия Лица назнаменуются. Имъ же пагубнымъ ангеломъ страшни являються.

**РЪФ (169) Слышахъ гласъ с Небеси, и яко гласъ водъ многъ, яко грома великаго гласъ иже слышахъ яко гудецъ гудущъ иже в гусли своя, и поющъ пѣснь нову пред престоломъ и пред Д (4)-ми животными. И двадесять и Д (4) старцы.**

Гласъ водъ многъ и грома и гудущихъ исхождение Святыхъ пения являетъ. Гласное ихъ устройство соглашение пѣснь одрѣжающая вся челоѣчская на онѣхъ Небесехъ первенецъ Церкви избороъ яко се во единомъ согласи стануть пѣниемъ Святыхъ шумять. Иже умершвеніемъ плотскихъ похотей исправиша се яко же рече. Никто же инѣ не можаше навикнути развѣ тѣхъ понеже мѣрою жития и воля протягнется. Яко же и челоѣчскимъ слугамъ любви владычна тайна явление бываетъ.

**РО (170) И никто же не можаше навикнути бѣ ни токмо #Р.#М. #Д. (144 000) искуплени от земля си суть иже со женами не оскверниша себе. Унотою бо суть сии иже хожаше во слѣдъ Агнця, а може колиждо ходитъ. Сии искуплени быша от челоѣкъ. Начатокъ Богу**

**и Агнѣцу. И во устехъ ихъ не обретѣся лѣсть яко безпороку суть.**

С нимъ сия суца служаше по нареченныхъ К (20) и Д (4) старцехъ прочихъ болша. Плотския же чистоты ради. И языческаго и ручнаго непорока. Иже по Пришествии Христовѣ стяжутъ, угрожениемъ свѣтлостію. Ею же новей пѣсни научаются. Яже есть многымъ, не токмо всемъ житию но и в будущемъ вѣцѣ неразумно. Аще бо совершении разумъ приидеть, тогда престающу иже есть от части и по ангелу но обаче по житію семи Святыхъ Божиихъ тайнъ будетъ явленіе. Многы бо суть обители у Отца. И звѣзда лугчи есть звѣзды славою. Тако многа разделения мучения от нихъ же дабы ны избавиль Господь Богъ нашъ, и дабы причель спасаемыхъ Своею Благодатию. Яко тому есть Слава, Отцу и Сыну и Святому Духу и нынѣ и присно.

**Слово ДІ (14)**

**Глава М (40) О ангеле проповѣдающемъ приближение будущаго суда.**

**РОА (171) И видѣхъ инѣ ангель парящъ посреде небеси держащи Евангелие вѣчное. Благовѣститіе сѣдашимъ на земли на всяко племя, языкъ и колѣна, и людей. Глаголя гласомъ великимъ. Убойтеса Бога и дадите Ему Славу. Яко приидетъ часъ суда Его и поклонитеса Сотворшему Небо и Землю, и море и источники водныя.**

Сирѣчь между небомъ и землею лежать, да от земля воздвигъ человекъ вознесетъ на Небеса и совокупить я со Христомъ славою нашею. И Евангелие же вѣчное есть. Еже от вѣка наречено Бога боятиса и не ужасатиса антихриста. Не могуща душа с тѣломъ погубити но з дерзостію противитиса ему. Яко в малое время держащу приближающу суду и житейску возданію.

**Глава МА (41) О ангеле вторемъ проповѣдающемъ падение вавилонское.**

**РОВ (172) И инѣ ангель во слѣдѣ иде глаголя. Паде Вавилонъ великий от вина и ярости любодѣянна своего, наполни вся языки.**

Вавилонъ менитъ семъ именъ всего мира смешение, и житейское смущение. Вино же и ярость любодѣяние не токмо от идольскихъ служебъ, удивльшеса в умѣ неистовѣ от всякого грѣха пьянствена. Им же и вся злобы здѣявша. Псаломскому словеси потреблени будутъ, падаетъ же ся Вавилонъ явльшуся вышнему Иеросалиму.

**Глава МВ (42) О ангеле третьемъ утверждающемъ люди Господня не приимати антихриста.**

**РОГ (173) Инѣ ангель вослѣд его иде глаголя гласомъ великимъ иже поклоняетса звѣрю и телеси его, и приемлетъ начертание на челѣ своемъ или на руцѣ своей, и той имать пити ярости Божия вина. Чвана не растворена в чаши гнѣва своего, и будетъ мучень огнемъ и жупеломъ предо Ангелы Святими и пред Агнѣцемъ.**

Ащеса рече кто озвѣршемуся антихристу повинитса, и нечестивое житіе его держит или словомъ или дѣломъ бога нарицают себе и скажут на руцѣ и на челѣ дае мое начертание, и тѣ причастятса с нимъ. Испити имут чашу мучительну неразтворену же с милостію Божіею. Чвану же от различныхъ мукъ. Вино же ярости нарицаетса мука хождениемъ нечестиваго. Вина иже упаяетъ пиющая, имже бо кто согрѣшаетъ, тѣмъ мучень будет.

**РОД (174) И дымъ мучения ихъ во вѣкы вѣкомъ исходитъ.**

Дымъ от огня исходящъ менитъ мучащаго ввержения во вѣкы вѣкомъ да навькнетъ яко бесконца есть миру мука грѣшныхъ. Яко же и праедныхъ покой.

**РОЕ (175) И неймут покой день и ночь поклоняющеса звѣрю и телеси его и иже приемлетъ начертание имен его.**

День же и ночь менит не яко же чтем по солнечному числу будущаго вѣка устрой на обличение его времени. День же есть Святыхъ вѣчный животь разумеваю. А нощь нечестивыхъ смерть юже примуть творящей диавольская дѣла. А Христа хуляще, антихрестова имя яко честно написающе на своихъ сердцахъ.

**POS (176) Здѣ есть терпѣние вятыхъ яко соблюдающей заповѣдь Божию и Вѣру Иисуса Христова возрадуются.**

Грѣшницы же рече вѣчную муку примуть а Святии бѣды здѣ вскоре мало претерпѣше и заповедь Божию сохраняше. И Христову вѣру соблюдаше возрадуются.

**POZ (177) И слышахъ с Небеси глас глаголющи напиши блаженни мертвии умирающе отселе о Господе. Ей глаголет Духъ да почиють от трудов своихъ, дѣла бо ихъ ходятъ вослѣд с ними.**

Глас же на Небеси глаголющъ не вся блажит мертвыя но умершая о Господѣ. Иже суть мертвии от сего свѣта, мертвость Иисусову на тѣле своем носят. И со Христомъ стражуеще тѣмъ выносят воистинну от сего тѣла восхождение от труда на покой. И дѣла же во слѣд идуца венца и славу являют болшим числом преспѣвающа страсти, недосотѣни бо сктъ страсти нынѣшная времени, и хотящей славе явится в нас. Ему же Слава во вѣкы вѣкомъ. Аминь.

**Слово EI (15)**

**Глава МГ (43) Яко седяй на облаце серпомъ скончает прозябающия земля**

**РОИ (178) И видѣхъ се облакъ свѣтель и на облацѣ сѣдящъ подобень Сыну Человеческому. Имущи на главѣ своей венець златъ и в руцѣ его серпъ остръ.**

Облакъ менить сущей иже Христа взять от очию Апостоломъ. Или етеру ангельску силу чистоты дѣла и лѣности якоже рече Давидъ в сѣдя на Херувиме и лѣте. Сѣдящаго же на немъ Христа менить. А венець царское знамение, видимым же и невидимъ силамъ. Злат же занесть честнѣе внас той серпъ явление есть конечное. И самъ бо ся жатву мира сего нарицаеть.

**РОФ (179) Инъ ангель изыде из Церкви велиим гласомъ вопия и сѣдящему на облацѣ послѣ серпъ свой, и положи и яко прииде часъ пожати яко исше трава земская. И положи сѣдяй на облацѣхъ серпъ свой на земли. И поже на бысть земля.**

Ангельский глас сказаетъ молитву всѣхъ Небесныхъ силъ желающи чести праведныхъ а грѣшныхъ отсѣечение беззакония, видѣти егда предстанут движимая и мимоходящая. А еже поспѣ жатва, являетъ постигшее конечное время. И егда созрѣвъ яко пшеница зрѣла. Вѣрныхъ сѣмя небесныхъ жилище. И житница нетлѣнныхъ достойно будетъ. Ово Л (30) и З (60) а инъ Р (100) тяжай плодъ воздая.

**Глава МД (44) О друземъ ангели объемлющемъ горкий виноградъ.**

**РП (180) И инъ ангель изыде из Церкви сущая на Небеси имый сепъ остръ.**

Аще и Духъ нарицается велика свѣта ангель. Кончину хотяще сотворити гршнымъ.

**РПА (181) И инъ ангель изыде от олтаря имый область на огни и возгласи кличемъ великимъ ко имущему серпъ остръ глаголя, послѣ серпъ Твой острый и объемли гроздие винограда земскаго яко созрѣвши гроздови его.**

И от сего разумѣваемъ яко ангельския силы имутъ власть повелѣвати твари и овии огневи, инии же водамъ, а друзи и иному и ниже се мучительное огнемъ являетъ кличнымъ гласомъ вопия обнимати грозды. Ими же исполняюще чашу гнѣва Господня. Юже примутъ муки нечестивии законопреступницы являютъся.

**РПВ (182) И положи ангель серпъ свой на землю и обймавъ виноград земный. И вложи в точило великия ярости гнѣва Божия.**

Точиль Божий есть диаволу и ангеломъ его уготованное мѣсто страстное и велико же за множество мученыхъ в немъ. Широко бо пагубны путь и пространенъ.

**РПГ (183) Попрано бысть точило въ града. И изыде кровь ис точила до узды конемъ о стадий тысуца и X (600).**

Внѣ град убо праведныхъ точило ископано будетъ. Ни како же не приближается жребий семь же злѣ грѣшныхъ. Не вкупно же сихъ житие будетъ, яко же и казнь бѣскровъ же гроздова есть вино. Вина же нарастворенания гнѣва Божия исполнь чашу. Юже примуть недостойнии муку. До узды же сирѣчь оревитыхъ конь доходяще. За не суть сласти обуздали. Тысушу же грѣха совершение глаголетъ. А (1)-е совершение числу X (600)-въ X (600) яко бо лѣто Ноево грехъ потопленъ бысть. Зане оскверниша тварь сотвореную въ S (6) дней.

**Глава ME (45) О седми ангель, наводящихъ на человекы язвы преже кончины. И о сткляномъ мори внем же Святыя видѣ.**

**РПД (184) И видѣхъ ино знамение на Небеси, велико и чудно. З (7) ангель имуще З (7) язвъ послѣднихъ, яко тѣми скончается ярость Божия.**

Здѣ З (7)-е число приемлетъ неправды бывающия въ З (7) дней вѣка сего. З (7) язвъ, З (7)-ю ангельска отставляти по ихъ же будущее Святыхъ житие, стеклянымъ моремъ сказаетъ.

**РПЕ(185) И видѣхъ яко море стеклянно смѣшено со огнемъ и побѣжающая от звѣрь и от телеси его, и от начертания его, и о числѣ имени его, стоящая на море стеклянномъ имущи гусли Божия.**

Стекляное море менил чистоту жития праведныхъ смѣшено еже со огнемъ якоже рече Апостоль яко кождо дѣло. Яко же огнемъ искуситися. Или яко праведнымъ и чистымъ всѣмъ даяти. А грѣшнымъ опаление, или огнемъ Божий разумъ, И Святаго Духа Благодатию являютъ. Гусли же являя удобное уморение, и сладкий животъ во единогласии духовнемъ.

**РПС (186) Пояхъ пѣснь Моисеову раба Божия, и пѣснь Агнчу глаголюще велия и дивна дѣла твоя Господи Боже Вседръжителю. И праведни и истинни путие твои. Царю языкомъ кто не имать убоится Господи, и прославити Имене Твоего. Яко единъ праведенъ еси. Яко вси языцы приидуть и поклонятся пред тобою. Яко оправдания Твоя явишася.**

От Моисеовы пѣсни закономъ Благодати оправдавшеся. Пѣние Богу воздающа разумеваемъ. От Агнеца пѣснь по Христове пришествии подобно жившая. Непрестанну хвалу о бывшихъ добродѣтелехъ о благодатныхъ от Него народе нашемъ. Всякъ языкъ в свой разумъ Святыми Апостолы призва.

**РПЗ(187) И по сихъ видѣхъ отверзеса Церкви скиния и свидѣния на Небси. И изыде из Церкви З (7) ангель иже имяху З (7) язвъ оболчены въ камень чистъ и свѣтель.**

**Препоясани в перси поясы златымъ.**

Скинию менил ея же образъ показа Бог Моисеови творити в пустыни. Оболченныя же в камень за чистоту и приближение ко угольному камени Христу. Препоясани же златомъ в перси, иже злещани ей честь служебне исполнь.

**РПИ (188) И единъ от Д (4) животныхъ дастъ З (7)-ми ангель З (7) фиаль златыхъ исполнь ярости Бога Живаго во вѣки вѣкомъ Аминь.**

Якоже во Езекиили пишеть, от первыхъ присно ли я В (2) и разумъ приходят на Небесехъ по



приятию по великому Дионисию.

**РПФ(189) И наполнишася Церкви дыма от Славы Божия и от Силы Его.**

Страшно и ужасно ярость Божия скажется. Ея же исполняется Церкви и на достойныя ея приходит во время судное.

**РЧ (190) И никтоже смѣяше внити в Церковь дондеже скончаются 3 (7) язвъ ангельскихъ. И слышахъ глас велий с Небеси, глаголющъ къ 3 (7)-ми ангель идѣте излити 3 (7) язвъ, фиаль ярости Божия на землю.**

Сего разумѣваемъ, яко прежде грѣшникомъ муки даны будутъ, потом же паки и Святый покой. Которую же язву яжеся обрящутъ на кончине, сподобляя. Кто не согрѣшитъ Истинны Человеколюбець бо Богъ сый, дабы умалилъ муки сия на семь житии. И на достойныя наведеть Енохомъ и Илиею их же избыти помолимся Господу Богу нашему. Ему же Слава во вѣкы. Аминь.

**Слово SI (16)**

**Глава MS (46) Како первой чаши излиянной гнойна отступнице бысть.**

**РЧА (191) И иде первый ангель. И излия фиаль свою на землю. Бысть гной золь на отступницехъ и лють, имущихъ начертание звѣрино и кланяющихся телеси его.**

Фиаль здѣ яко и чаша страстная нарицается ею же рече егда излить ангель гной будет лють в сердцахъ, седѣтся. Трепещущихъ сердцу ни како же исцеления не будетъ от отступникомъ прельстившаго антихриста. Будут же явѣ на телесѣхъ ихъ сия язвы во обличение гнойныя ихъ душа.

**Глава MЗ (47) Вторая язва, имущихъ в мори.**

**РЧВ (192) И вторый ангель излия фиаль свою в море и бысть кровь яко мертвеца. И всяка душа жива умреть яже есть в мори.**

Се дивно есть Божий силе. Во обличение антихристу, и льстимымъ имъ. Святыма пророкома Илиею и Енохомъ, претворити в кровь море яже суть в немъ. Из мори ти, яко же А (1)-е во Егупте сотвори. Дася быша вѣрнии утвердили, а невѣрнии убоялися. Илие его да гогъ и магогъ востанета на всю землю, и многа пролития крови будутъ по всей земли и по морю, и вѣмъ воеводамъ сѣкущимся.

**Глава МИ (48) Како Г (3)-я чаша рѣкы в кровь претворяются.**

**РЧГ (193) И третий ангель излия фиаль свою на реки и источники водныя. И быша кровь. И слышахъ ангела водскаго глаголюща, Праведен еси Сый и Бывайи и Преподобен, яко си судиль еси. Яко кровь Святыхъ и пророкъ излияша, и кровь имъ дасть пити достойни суть.**

От сего являются и над стихиями суще ангели, яко же и преж рѣхомъ. От них же единъ есть над водами рече и Бога хвалити одостойнемъ наведена судѣ на преступники. Яко руны окровавлши кровми Святыхъ пророкъ. Кровѣв дасть имъ пити. Пророки же менитъ или за твердое иже стояние к вѣре в то время. И пророчества достойныя. Будущи яже избюють приятели антихристови или обличающа, иже начнутъ отметатися пророческия проповѣди, и и причаститися убийстве ихъ.

**РЧД (194) И слысахъ другаго от олтаря глаголюща, ей Господи Боже Вседрѣжителю истинны и прави суди Твои.**

Овогда олтаря Христа скажется. Яко хлѣбом и словесными службами, на немъ приносимому

Отцу. Овогда же ангельския силы яко возносяща наша молитвы духовными службами. Глас же от праведныхъ рече. Понеже рече радуются и веселятся мысленныя силы от обращающихся и кающихся. Пекут же ся от отпадающихъ праваго пути на ны же ны обращъ дабы нас наставиль Христос Богъ нашъ. Ему же Слава во вѣкы. Аминь.

### **Слово ЗІ (17)**

#### **Глава МФ (49) Како Д (4)-е зноемъ изваряются человецы.**

**РЧЕ (195) И четвертый ангель излия фиаль свою на солнце. И дано бысть ему опалити человеки огнемъ. Иззнойшася человеки зноемъ велиемъ. И хулиша Имя Христово. И иже имать область на язвахъ сихъ, и непокаяшася, дати Ему Славу, от дѣль своихъ.** Может же и се видимо быти тогда. Да варомъ сего солнца озноени будутъ человецы. Человеколюбцу Богу на покаяние обращающу. Яко и во глубину золь падша не на обращение, но на хулу ся подвизають. Или зноемъ сирѣчь напастыми. Да наведениемъ напастей матеръ грѣху возненавидятъ, но безумницы всегда же бы грѣхы своя познати на Бога языкъ свой поострятъ. Яко и нынѣ есть видѣти многажды.

#### **Глава Н (50) Како Е (5)-ю чашею звѣрино царство омрачается.**

**РЧС (196) И пятый ангель излия фиаль свою на престоле звѣрине. И бысть царство его омрачено. И жваху языки своя от болѣзней своихъ и хулиша Бога Небеснаго. От болѣзней своихъ и от голья, и непокаяшася от дѣль своихъ.**

Иже есть изляти не престоль звѣринъ фиаль сказаетъ, сирѣчь на царство антихристово и омрачити е, яко неймуще свѣта праведнаго солнца. А еже языки жують, велику страсть являетъ. Ею же обыати будутъ прельщениемъ. Богогневными ранами мучими будутъ. Да быша разумѣли яко милостивъ есть. Его же онѣ яко Бога славят и от лъсти отступили. Они же ни от сих на покаяние но на хулу ся обратятъ. Злѣй же дѣмони человечески телесы. Яко сосуды Святыми мучениками хулити начнут, но обаче те пушихъ и не избудуть.

#### **Глава НА (51) Како S (6)-ю путь чрез Ефрантъ отверзается царемъ сущимъ от востокъ солнца**

**РЧЗ (197) И шестый ангель излия фиаль свою на реку великую Ефрантъ И иссяче вода ея да уготовится путь ту царем сущимъ от востокъ солнечныхъ.**

Или гога или магога от западныхъ странъ преѣхавше Ефратскую реку менил оскудѣвша воды от ведра повелѣниемъ Божиимъ. Или антихриста от восточныхъ странъ перская земля идѣже есть даново колѣно, от корени еврейскаго со инѣми цари и велможами к западу Ефратъ преѣхат или телесную или душевную смерть на человеки наводящи. И на овы вѣроу и терпениемъ, а другия страхомъ и наготою и слабостию.

**РЧИ (198) И видѣхъ изо усть змиевъ и изо усть звѣринъ, и изо усть лжаго пророка духи тринечестивыхъ аки жабы исходяща.**

И от сего являетъ диавола сущая аки змия, антихриста же аки звѣрь, а лжаго пророка яко иного другаго из нихъ же рече, подобно жабамъ дуси исхожаху. За ядовитую ихъ нечистоту и скверну. И на мокрѣя сласти желание злыхъ силъ. Яко нечествая и лживая знаменія покажутъ человекомъ.

**РЧФ (199) Суть бо дуси дѣмонстии творяще знаменія яко исходят на царя, и всея вселенныя собратиса на брань. Деянїя тому великаго Бога Вседержителя.**

Дѣмая рече дѣмоны лжая знаменія воздвигнут послушавшая ихъ на брань Великаго и Святаго Божия деянїя еже есть судити живымъ и мертвымъ. И тогда противльшеся Христу

восплачются не в пользу А (1)-го ради прельщения бьющегося.

**С (200) Се гряду яко тать. Блаженъ бдѣй, и блудый ризы своя да не нагой ходит и узрят срамоту его. Избирая на мѣсто собираемое еврейски Армагдѣон.**

Еже есть бдѣти и хранити ризы сказаеъ не спати от добрыхъ дѣлъ тако бо суть Святыхъ ризы. И ихъ же кто лишень будетъ. Не веля нагу ходяше стыдиться. Армагдѣон же есть сѣчище, еже сказаеъ разсѣкаемая. Ту бо языцы собирающесе и сѣкутъ диавола воеводу имуще. Иже радуются о человеческой крови. От него же дабы ны избавил Христось Богъ нашъ. Ему же Слава во вѣкы вѣкомъ. Аминь.

**Слово III (18)**

**Глава НВ (52) Како 3 (7)-ю градъ и трусь на человеки бываетъ.**

**СА (201) И седмый ангель излия фиаль свою на аерь. И изыде глас велий из Церкви, и от престола Господня. И быша блистанія и громи и глас. И бысть трусь великъ тако же ни коле не бысть от нелиже человецы быша на земли. Толикъ трусь великъ бысть.**

Ангельский глас с Небеси бысть рече, сирѣчь Божия Заповѣди совершиша. И молнія же и громи и гласи. Пристрашное будущее Христово Пришествие являеъ. Якоже древле Божие сошествие на Синайскую гору. Трусь же сущихъ претворение. Яко же пророкъ рече, яко и еще единою потрясу не токмо землю но и небомъ.

**СВ (202) И бысть град великъ и въ три части, и гради язычестии и падоша мнози.**

Иерусалимъ мнить в нем же сядуть Г (3) племена крестьяне, иудеи, самаряне иже свою зло являют время обрѣтше. Или правовѣрнии, иудей же суть вѣры не прияли егда же напастное разгорѣние обличитя. Тогда на трое ся раздѣлятъ. Своемъ кождо чину приступая. Гради же разорени язычно являеъ, или языческаго житія преставле има пришествиемъ Божия пришествия.

**СГ (203) И Вавилонъ великий помяновень бысть пред Богомъ. Дати ему чаша вина, ярости гнѣва Своего.**

Вавилоня сего мнить, смѣшения много человеческого множества иже ся естъ своими напастми увеличино от бѣднаго богатства. Испитиемъ же чаши Господня гнѣва. В память пришед яко от забвения терпѣниемъ.

**СД (204) Всякъ отокъ бѣжа и гора не обрѣтесе.**

Отоки церкви мнить а горы сущая поклонники в нихъ. Бежати же начнутъ в то время, яко же рече тогда от востокъ побегнут на западь.. И от запада на востокъ будетъ бо скорбь велика.

**СЕ (205) И град великий яко талантский снидет с небеси на человеки. И хулиша человецы Бога от язвы градныхъ, велия естъ язва его зѣло.**

Град с небеси сходящъ Божий гнѣвъ разумехомъ. Талантъ же совершение за совершеннымъ грѣхъ тяжкий ему же образъ естъ талантъ. А еже не на покаяния но на хулу обращахуся жестоты сердца ихъ являеъ. Тѣмъ же яко и фараонъ будетъ паче же и сего жесточайша.

**Глава НГ (53) О единомъ от 3 (7) -х аггелль показующемъ Евангелисту любодѣиваго града потребление от 3 (7) глав и I (10) рог.**

**CS (206) И прииде единъ от 3 (7) ангель имущихъ 3 (7) фиаль, и глаголя со мною. Глаголя ми прииди да покажу ти сосуд любодѣица сея великия сѣдящая на водахъ многихъ. С нею же любодѣиша цари земстии и упишася живущии на земли от вина любодѣяния ея. И веде мя в пусто мѣсто духомъ. И видехъ жену сѣдящу на звѣри**

**червлени. Исполнь имян хулных иже имяше глав 3 (7) и рогъ I (10)**

Сию любодѣицу друзий римский град мнят яко на сем стоящъ рог. Женьским бо именем всякъ град греческий нарицается. 3 (7) глав звѣрь иже ею носить, 3 (7) царь нечестивыхъ от Дементия на до Диоклетияна. Иже церкви гониша или греческий Царьград мнити.

**СЗ (207) Жена юже видѣ град великий есть. Иже имать царствие над языки великими.** Мы же глаголемъ о прочихъ наставляеми се всеземское царстве яко воединомъ телеси державъ царство градомъ мнит. Пустыню же запустѣние града мнит хотящей быти тогда. А звѣрь дияволя убийство и кроворадование его менить. Ими же на Бога хулы возлагают. Суровый бо и свѣрѣпы убийственный образ, звѣрь же и червленая широта являет.

**СИ (208) И жена бѣ оболчена в перфиру червлену позлащена златом и каменiemъ драгимъ и бисером.**

В червлены в перфиру оболчена есть яко приклад владычества иже имать всѣми. Тѣмъ же и каменiemъ драгим и бисером украсилась есть.

**СФ (209) И имущи чашу злату в руцѣ своей полну мерзости и сквернѣ любодѣяния ея.** Чашу убо сластное питие злыхъ деяний менить а златомъ честное мерзости же мирския. Божия начатки имже грѣхлюбное множество напаяет, якосладко питие приплачащи.

**СИ (210) И на челе ея имя написано тайна. Вавилонъ великий мати любодѣицам и земскимъ мерзостемъ.**

Написано на чѣле ея являет безстуда грѣховное совершение и срдечное смущение. Мати же есть си душевнаго любодѣяния учитель. А владомымъ градомъ мерзующая Богу беззакония являющи.

**Глава НД (54) Како ангель видѣную тайну сказаетъ.**

**САI (211) И видѣхъ жену пьяну кровми Святыхъ и кровию мученикъ Иисусовъ. И дивихся видѣнию тому дивомъ велиимъ и рече ми ангель. Почто ся дивиши. Азь ти реку тайну жены сея и звѣри носящаго ю, и имуща 3 (7) главъ и рогъ I (10).**

От дѣлъ множицею имена градомъ неречена суть. Яко се ветхий Вавилонъ любодѣица нарицается, Иерусалимъ нарицается. Тако же се лицѣ любодѣица быстьти старый Рим, Вавилонъ в Петрове епистолии. Всяко каждое град видя и Евангелие и убийстве кромѣ веселить. От них же единъ град видя Евангелистъ. Окровавльшеся кровми Святыхъ и дивляшеся, и от ангель научашеся еже имать пострадати на кончину. Или перьский Вавилонъ в нем же многы быша муки. Или стары Римъ, или новый. Или весь миръ. Всюду бо суть грѣси бесчислени, или различны. Святыхъ крови пролияни быша. Оводѣ болѣ а инѣде менши яко и до конца вѣка будутъ.

**СВI (212) Звѣрь иже видѣнъ и нѣсть и имать быти. Взыдет от бездны и в пагубу итить.** Звѣрь дияволь есть присно ища кого поглотити. Сей убиенъ есть Крестомъ Христовымъ паки на кончину оживет. Лъстя знамении и чудесы антихристомъ. Сего ради бѣ и можаше преже Креста нѣсть же сего в муцѣ Христовѣ и спадша изо области своея. Ю же имяше на языцехъ идольскими служении, придет же на кончину исходя от бездны сирѣчь грѣховныя глубины жития сего. От туду бо антихристъ приидеся. Сотону ведый на пагубу человеку. И идый на муку вечную.

**СГI (213) И удивятся живущи на земли имже не написана суть имена в книгахъ животныхъ от сложения всего мира. Видяше звѣрь яко бѣ и нѣсть и предста.**

Удивятся бо рече пришествию звѣрину за лестная чудеси же не будутъ написани в славе

животныхъ книгъ. И не причастившуся твердию Господа. И прореченныхъ не помышляюще, како древною силу приять.

**СДІ (214) Здѣ умъ иже имать мудрость.**

Духовными сущим же сказаемыхъ духовно потреба есть рече, разумѣвати глаголемая.

**СЕІ (215) Седмь главъ, 3 (7) рогъ есть идѣже жена сѣдитъ на нихъ, и 3 (7) царь есть.**

Роды мнить сущая 3 (7) мѣсть владычествомъ и силою жития сего. И прочихъ больши суще бывша. На них же во своя времена, кождо царство утвердися. Главъ же 3 (7) изменений, 3 (7) по родомъ идѣже кождо начнетъ царствовати первѣе. Яко се Ниль во Асирии, Арвакъ в Мидѣхъ, Новходоносоръ в Вавилонѣ, Киръ в Персѣхъ, Александръ во Грецахъ, Ромиил в римлянехъ, Костантинъ во Цариграде.

**СІІ (216) Пять ихъ пало есть единъ есть, а другий неуже есть пришелъ. И егда приидеть, мало ему есть пребыти.**

Блаженный Ипполитъ сказаеъ, яко 3 (7) вѣкъ мнить от них же Е (5) мимо шло а S (6) и бѣ егда сия видѣ апостоль. Седмому же пришедшу има есть пребыти. Или царствія яже есть преже рѣхом. Е (5) бо ихъ мимо шло. S (6)-е еже бѣ. 3 (7)-е еже не убо бѣяше пришло.

**СЗІ (217) Звѣрь иже бѣ. Вѣрь иже бѣ, и той И (8)-й есть в пагубу идеть.**

Звѣрь антихристъ есть рече осмый же яко по седми царствию востанеть на земли. От 3 (7)-ми же яко от единого иже воздвижется. Яко римский ся царь творя на разрушение, и запусътние послушающихъ его приидет. И по семъ в пагубу геоньскую приидеть.

**СИІ (218) И десять рогъ яже видѣ, І (10) царь есть яже царства не уже прияли суть, но область яко цари един часъ приемлють со звѣремъ.**

Сию І (10) рогъ Данииль видѣ сирѣчь царя пред антихристомъ идуща. От нихъ же три искоренить а прочая покорить под ся. Проклятый единъ часъ малое время мнит или от лѣтъ, Г (3), месяцы мнить, егда антихристу покорять, яко старѣйшу.

**СФІ (219) Сии едину волю имуть и силу, и область свою звѣрю даетъ. Сии со Агнецемъ брань сотворять. И Агнецъ побѣдитъ я. Яко Господь Богъ есть и Царь царемъ, и сущии с Нимъ избрании вѣрнии.**

Подобно рече никто же можетъ двема господинома работати, тѣм же совокупляють злымъ совокуплениемъ, вдаются антихристу. И отмѣтаются Христа. Но подобит я заколены нас ради Агнецъ Божий. И нѣсть бо от тя то от Него царство и господство. Имже бѣ от человекъ да избранныя своя причастники сотворить во своемъ царствии.

**СК (220) И глагола ми вода и яже еси видѣлъ. Идѣже любодѣица сѣдитъ любодией народи суть, племена и языцы. И І (10) рогъ яже видѣвъ и звѣрь, сию любодѣицу языки возненавидети имуть, запусъвшу и сотворяють и нагу. И плоти ея снѣдятъ. И ту сожгутъ огнемъ. Бог бо даль есть в сердца сотворити волю Его. И сотворить едину волю. И дати царство ихъ звѣри. Дондеже скончаются словеса Божия. И жена ю же видѣ градъ есть велий иже имать царство над цари земными.**

Ангелу явеси я сказавшу. Лихо есть глаголати о сихъ І (10) рогъ І (10) царь мнить творящая волю врага мѣстника. Антихриста противящася Христу. А градъ великий иже начнет тогда в та времена власть имѣти над цари земскими. Или многоъ человеческий град, сирѣчь миръ. Сей злободѣявше и сладнымъ похотемъ послужиша, запусит и яко звѣрь кровопийца от крови бо и плоти человечески насытитя радуяся. Приснокровень сый сердечное попаление свое веселие и пищу сотворит. От него же напасти Человеколюбець Богъ нащъ дабы ны избавилъ и Причастилъ Небесней и вышней митрополии. Яко таму подобаеъ всяка Слава и Дрѣжава и

покланяние Отцу и Сыну и Святому Духу и ныне и присно о во вѣкы вѣкомъ. Аминь.

### **Слово ФІ (19)**

**Глава НЕ (55) О друземъ ангеле, падение вавилонское сказуемъ. И Небесный глас заповѣдаюшемъ бежаніе из града. И отметание красныхъ яже первіе.**

**СКА (221) И по сихъ видѣхъ инъ ангель сходящъ с Небеси имущъ область велию. И земля просвѣтитъ от Славы его.**

И от сего свѣтлость и чистоту Святыхъ сихъ являетъ многымъ числомъ преспѣющу звѣздную свѣтлую пресвѣтлость.

**СКВ (222) И возопи гласомъ великимъ глаголя паде Вавилонъ великий. И бысть жилище дѣмономъ, и хранилище всякому духу нечистому и невидиму. Яко от ярости вина любодѣянна ея напои вся языки.**

Обычай бо есть звѣремъ же и злымъ дѣмономъ по пустынямъ ходити. Божию смотрению человекъ от напастей свобожену понеже человекъ ненавидятъ. А еже ли напои причастила бо есть своей злобѣ прочая грады. Ими же обладаетъ врагъ, истинней правды не творяща, цари земнии с ею.

**СКГ (223) И цари земстии с нею любодѣяша, и купцы земстии от лъсти свѣрѣпятся обогатятся.**

Лихаго ради и неправеднаго богатства ея. Не простирающе требующимъ но купцемъ ползу творяше.

**СКД (224) И слышахъ имъ глас с Небеси глаголющъ, изыдите из нея людие мои. Да не причаститесь грѣсѣхъ ея до смерти. И помяну Богъ неправды ея.**

Иже к Лотови речено бысть в Содомехъ. И спасая спаси душу свою. Исаия учить изыдѣте от среды ихъ, и отлучитесь. И нечистотѣ не прикасайтесь. И здѣ тако же рече достойно бо есть бѣгати от техъ, иже Бога гнѣвять.

**СКЕ (225) Воздадите ей, яко та воздасть вамъ, и сугубите ей сугубо по дѣломъ ея. И чашею ею же черпа вамъ черпите ей сугубо елико прославится. И расвѣрѣпи толико дадут ей муку и рыдание.**

Воздадите, сирѣчь на муку, иже есть сотворила Святымъ, или неповиннымъ, яко виннымъ. Или обидѣннымъ. Сугубо же рече, чашу воздадите ей. Или на семь свѣте или на ономъ. Или души и телеси, от неже сожъ общая дѣла бываютъ на нею же и мука будет.

**СКС (226) Яко бо в сердца своемъ глаголетъ, яко сѣжу во царствии вдова нѣсмъ и рыдания не имамъ видѣти к тому.**

Обычай бо есть в добрѣ живущимъ глаголати не имамъ ся подвижати во вѣкы. Аще не будетъ страха Божия на нихъ еже и Осия глаголетъ

**СКЗ (227) Сего ради во единъ день приидуть язвы ей смерть и паче, и глад, и огнемъ возжена будетъ. Яко крѣпокъ Господь Богъ осуждению.**

Или внезапно иногда вся суку си приидуть нановъ время мало. Или во единъ день. Якоже есть миловати Богу угажающая ему. Тако и мучити непокающаяся грѣхъ своихъ.

**СКИ (228) И възрыдають и восплачются ей цари земстии и сотворшей с нею любви и расвѣрѣпивши. Егда узрятъ дымъ ражжения ея издалеча ея стояще за страхъ мучения ея. Глаголюще горе, горе граду велий Вавилонъ град великий и крѣпкий и яко во единъ часъ приидеть суд.**

Царя менишь и здѣ быти князя мнимы. Яко же рече Давидъ, яко се цари е земстии и собращася. А любодѣяние еже от заповѣди Божия любви в ней дѣяша. Плакати же ся начнутъ зряще жжения и запрещенія, и запусѣнїя бывшаго во единъ час внезапно.

**СКФ (229)** И купцы земстии възрыдають и восплачутся о ней. Яко брени ихъ никто же купуетъ к тому брени злата, и сребрена и камени драгаго, и бисера, и висса, и перфиры, и сурика, и червления.

Иже всилѣ в пици тлѣють, излиха есть всѣхъ купля имѣние.

**СЛ (230)** И всякого древа, и всякого сосуда от камени драга имѣдїана и жѣлезна. И мрамора, и корица, и амона. И фимїана, и мира, и ливана, и вина. И елея. И сѣмени и пшеница и скота и овецъ.

От сего бы разумѣти намъ яко в суете труждаемся лихаго ищущи.

**СЛА (231)**

**Конь родѣнь и телесень.**

И различенъ вещи. Родень же скажется латыньскы колесница.

**СЛВ (232)** И душа человекъ и овоща похоти душа твоя отиде от тебе. И вся тучная и свѣтлости погibe от тебе. И к тому не имаша обрѣсти ихъ.

И душа человечески не имаша рече купити к тому работящи и свободны. И неприимши свѣтлыхъ, и тучныхъ первыя сласти.

**СЛГ (233)** Купцы симъ обогащася издалеча стануть за страхъ мученїя ея. Рыдающе и плачущася и глаголюще, горе горе граду велий Вавилонъ оболченый в виссон, в перфиру и в черлень, и позлащение, златомъ, и каменїемъ драгимъ и бисеромъ. Яко во единъ часъ погibe толико богатство.

На лице изводитъ Вавилона сего страсти за плачь сущий. О немъ написая велию напасть ю же примуть хвалящися первѣе. О царствїи и о чести.

**СЛД (234)** И всякъ кормчий и всякъ плавай в кораблехъ и вѣстели, и всякъ елико в мори дѣлають, издалеча стаха и вопияху. Видяше дымъ ражженїя его, глаголюще, кто подобен граду великому, и положиша перѣсть на на главахъ своихъ. И возопїа плачущися глаголюще и рыдающе, горе, горе град великий. В нем же обогатишася вся имущей корабля, в мори от части его. Яко единемъ часомъ запусѣ.

Аще и житие се нарицается море, море многоволнено плавающимъ сквозѣ жития сего. Яко рыбы одержимыи волнами. Подобно сей град, при мори суца видимъ. И приемлюще от плавающихъ потребу в немъ, и потребу плачь будетъ симъ запусѣнїе его видящимъ. то же приметъ и сего мира смѣшнаго Вавилонъ на кончину, егда начнут зрящи плакати неутѣшно. И сласти сего жития неволю отлучающася, и пострекаеми совѣстию от дѣлъ своихъ, и о грѣсѣхъ.

**СЛЕ(235)** Веселися о сѣмъ Небо и Земля, и святїи Апостоли и пророцы яко судить Богъ суд нашъ от Него.

Небесехъ или ангели менишь, или Святыя имущая на Небесехъ житие. С ними же Апостоломъ и пророкомъ веселитесь велить. Яко отмщениа видѣша страстей своихъ яже прияша в немъ.

Не яко же суетъ злу ради, но яко желание имущи отсѣчение грѣху.

**СЛС (236)** И взять единъ ангель крѣпокъ камень великъ яко жерновъ, и ввержеи в море глаголя тако и стремлениемъ ввержень будетъ Вавилонъ великий град. И не имать обрѣстися к тому. Глас гудецъ, и мусикий, и писки, и трубы, и не имать в тебѣ слышанъ

быти к тому. И всякъ козникъ всякоя козни не имать обрѣстися к тому в тобѣ. И шумъ жертвень не имать слышанъ быти в тебѣ. И свѣтъ свѣтилника не имать в тебѣ явленъ быти паки. И глас жениха и невесты не имать слышанъ быти к тому в тебѣ. Яко купцы твои и бѣяху велможа земныя яко прокажении. Твоими прелщени быша вси языцы. И в немъ обрѣтется кровь пророческая и всѣхъ Святыхъ избиенныхъ по земли.

Яко же рече жерновъ погряжет в море устремлениемъ, тако и Вавилонъ сей, внезапу будетъ потребленъ. Да и слѣд его не обрящется к тому. Се бо являетъ гудецъ, и мусикия, и прочихъ оскудѣние вину же рече, яко вся языки чарми прелсти, и кровемъ пророческам и прочихъ Святыхъ пріяние бысть. Глаголетъ же и старый Вавилонъ, или всего мира царство, яко во единомъ телесѣ. И сперва державше до ныня. Зане в различная времена. Да того времени проляша крови многи пророческия и апостольския, и мученическия.

### **Глава NS (56) О пѣнии Святыхъ и о трегубной Аллилуии иже пояху и о потреблении вавилонсте.**

**СЛЗ (237) И по сихъ слышахъ глас велий на Небеси народа глаголюща Аллилуйя на спасение и Слава и Сила Бога нашего. Яко истиннии прави суди Его. Яко судил еси граду иже просмради землю любодѣяннемъ своим и мсти крови рабъ своихъ от руки его. И второе рѣша Аллилуйя и дымъ восхожаше в вѣки вѣка. И падоша К (20) и Д (4) старцы, и Д (4) животна поклонишася Богу сѣдѣщему на Престоле и глаголюще Аминь. Аллилуйя.**

Аллилуйя Божию пѣснь сказаетъ. Аминь же есть или воистинну буди еже обще ангельския силы и человецы Богу воздают. Г (3) краты за Триупостасное Отца и Сына и Святаго Духа едино Божество. Яко же крови от руку Вавилоня мстие. И жителя его мукою его помилова. И отсечение сотвори грѣху. А еже во вѣки вѣкомъ дымъ его восходитъ сказаетъ, или еже вину не забываети муки нашедшихъ на ня или еже почастыи страсть пріятыи легчае. Но обаче вѣчно будущий.

**СЛИ (238) И глас изыде от Престола Господня глаголя пойте Богу нашему вси раби Его. И боящися Его малии и велиции.**

Престоль Божий есть херувимъ и серафимъ. От нихъ же велятъ хвалити не токмо великимъ но и малымъ. Во исправление кождо по своей силе. Мню же яко младенцы иннешния, тогда велицы воскресше Бога восхвалять и прославять.

**СЛФ (239) И слысахъ глас народа многа и яко глас вод многъ. И яко глас громъ крѣпокъ глаголющъ Аллилуйя, Яко воцарися Господь Богъ Вседержитель радуемся и веселимся и дадимъ Славу Ему яко приидоша бракъ Агнецъ.**

Велегласное пѣние всѣхъ ангельскихъ и бесчисленныхъ силъ и всѣхъ Святыхъ, и праведныхъ Славу являетъ воцарителю Христу человечествомъ на техъ, ими же яко Творецъ владѣяше или властью яко Царя. И судия стояще брани же Церковное Небу приношение Ему же сподобницы Святии Апостоли быша.

### **Глава NЗ (57) О образѣхъ тайныхъ, и о Вечерѣ Агнечи.**

**СМ (240) И жена его уготовала есть себѣ. И даны бысть ей да облечется в висонъ свѣтель, и чистъ. Висонъ бо оправдания Святыхъ суть.**

Во оправдания Святыхъ всѣхъ церкви глаголетъ облещися в разумъ тонокъ и высокъ.

**СМА (241) И гласъ ми напиши Блажени звани на Вечерю брака Агньча, и глагола ми словеса Истинна Божия суть.**

Вечера Христова есть спасеныхъ праздникъ веселие. Всѣми добрыми совершеное еже



блажени улучать и Святымъ Женихомъ в вѣчный покой внидуть. Нѣсть бо лож общавый и многу же добру суцу будущаго вѣка над всяцемъ умомъ суцимъ. Много именно и сего пріятие бываетъ Овогда дара ради, овогда же яко лоно Авраамле иногда же яко чертогии браки.

**СМВ (242) И падохъ пред ногама Его поклонихся Ему и глагола ми, виждь клеветрь есмь Азь и братия твоя имущихъ свѣдѣтельство Иисусово Богу поклонися, свѣдѣтельство Иисуса Христова есть Духъ пророчества.**

Не кланяимся рече Божий ангель занети глаголю хотящая быти исповѣдание бо си рече свѣдѣтельство яже о Христѣ то есть дѣлатель всякому Духу. Пророческу свѣдѣтельствует же не кланятися клеветру, но Дръжителю всяческымъ. От сихъ же разумѣваемъ смирение Святыхъ ангель. Како непривлчатъ на ся Божии Славы. Яко же гордии дѣмони носию госпдеви приносятъ. Буди же намъ смирениемъ другъ друга преспѣюще. Господне совершится Слово. Научитесь от Мене, яко кротокъ есмь и смиренъ срдцемъ и обрящете покой душамъ вашимъ. Яко тому есть слава и держава во вѣкы. Аминь.

**Слово К (20)**

**Глава НИ (58) Како на кони видѣ Христа со агельскими силами Евангелисть со страхомъ.**

**СМГ (243) И видѣхъ Небо отверъ и се конь сѣрь и сѣдй на немъ нарицаемый Вѣренъ и Истиненъ. И в правду судить и брани не творить. Очи же Ему есть яко пламень огненъ. И на главѣ Ему вѣнцы мнози.**

Отверъсто Небо являетъ видѣнаго Судия Пришествие. Сѣры же конь свѣтлость Святыхъ глаголетъ. На нихъ же Христось почивая судить языкомъ. Очима же сирѣчь зрачною силою раздѣляя пламень огненъ праведнымъ убо просвѣщение, а грѣшнымъ опаление. Венцы же мнози царствие сказаеть, Небесныхъ сил и земныхъ человекъ или всѣхъ смотрение нашихъ грѣшныхъ терпѣниемъ побѣду, яко же рече единъ санъ той побѣдиши, егда ти начнутъ судити.

**СМД (244) Имый Имя написано, Его же никто же не вѣсть, токмо Той.**

Невидимо имя и неразумно божество сказаеть. Смотрений бо много имяненъ сый, яко Благодать, яко Творецъ, яко Солнце, яко Свѣтъ, яко Животь, яко Правда, яко Невидимый, яко Бесмертенъ. И иными подобными нарицается.

**СМЕ (245) И оболченъ в ризы червлены кровию. Наричается имя Его Слово Божие.**

Си за словеси Честнаго Плоть очервление кровми Его Честными. По сихъ же извѣщаеть. Како без имененъ и всѣми невидимъ, Слово здѣ нарицается. Или показаети ю Сыновня на Небесныя силы упостасию. Из Нестрастнаго Отца рождся, яко же слово от ума исходитъ или им же всѣхъ суцихъ имена на собѣ носить. Или им же есть исповѣдатель есть Отчая Премудрости и Силы и Власти.

**СМС (246) И воинства Небесная идяху вослѣдъ Его на конѣхъ броннѣхъ и оболчены в виссонъ бѣль и чистъ.**

Сими Небеснии чинове являютъ тонкимъ видѣниемъ и высокимъ разумомъ, и свѣтлостию и уожениемъ. И неотступнымъ и Святымъ от Бога примешениемъ.

**СМЗ (247) Изо усть Его изыде оружие остро. Да тѣмъ избьетъ языки. Той упасеть я жезломъ желѣзнымъ. И Той переть точило вина ярости гнѣва Божия Вседръжителева.**

Оружие сказаеть наводимыя мукина нечестивыя грѣшныя. По Правде Суду и по Повѣлению Божию исходяще изо усть Божиихъ. Им же не сокрушенымъ жезломъ вѣчныхъ мукъ

упасенныхъ будутъ. Его же Святии не вкусят. Яко же не оставить же зла грѣшныхъ на жребии праведныхъ. Точило же яко Отець не судить никому же, но Тому суд дастъ, яко человеку. Иже имѣ родство и сперва яко Сынъ неотступно безвремени.

**СМИ (248) И имать на ризѣ и на стегнѣ своемъ имя написано Царь Царемъ и Господь господемъ.**

Си являетъ имя Божия вочеловечения. А не разделения яко же плотию Богъ сый и пострада. И человекъ сый и Царь царемъ и Господь господемъ воцарившемся над страстьми и в будущемъ вѣце с нимъ хотящимъ царствовать.

**Глава НФ (59) О антихристѣ, и о вмѣтаемыхъ с нимъ в геону.**

**СМФ (249) И видѣхъ единъ ангель стоящъ на солнцѣ. И возопи гласомъ велиимъ глаголя, ко всѣмъ птицамъ парящимъ посредѣ Небеси.**

И ангела возопившаго сказаеть ангелы призывающи на веселие о муцѣ грѣшныхъ и о оскудѣнии грѣху. И посредѣ же Небеси сидай человекомъ. Иже суть равнии ангеломъ. Достойно восхождение будетъ из низу. Им же Святии восхищаются во усрѣтение Господне на аерь.

**СН (250) Приидѣте зберитесь на Вечерю Великую Божию да снѣсте плоти Царь, и плоти крѣпкихъ, и плоти коньскихъ и сѣдящихъ на нихъ, и плоти всѣхъ свободныхъ, рабъ малыхъ же и великихъ.**

Вечерю волю Божию сказаеть, да вси человецы спасени будутъ и в разумъ Истинный приидуть. Отчюю волю свое Брашно Христе нарече. Снѣдение же плоти являетъ посмражение плотскихъ всѣхъ, коня же менить яко не конемъ воскреснувшимъ или судимымъ, но скверно живущимъ на семь свѣте. Всадники же бывшая поклонники же а и малыя. Свободныя убо сказаеть согрѣшающая паче же своею властью, рабы же и малыя согрешающая мнѣ, или волею или недоспѣниемъ, или немощию.

**СНА (251) И видехъ звѣрь и царя земны и воя ихъ собраны сотвори брань с сѣдящимъ на кони с вои Его.**

И звѣрь диявола мнить и грѣшники воююща с нимъ за много различнии грѣхъ. А сѣдящаго на кони Христа глаголетъ и воя Его человеку суца равны ангеломъ. О Господи нарече за едину волю угождение к Богу.

**СНВ (252) И ятъ бысть звѣрь, и с нимъ лжий пророцы сотворивый знамения пред нимъ. Ими же прельсти приемшия начертание звѣрино и поклоняющаяся телеси его.**

Аще Спасу Христу с послушающими Его цари и князи противистася антихристъ есть и лжий пророкъ сотворивый лесная чудеса но обаче ята быста Божиимъ гнѣвомъ.

**СНГ (253) Жива ввержена быста оба во езеро огненное горящее жупеломъ**

Может же то быти яко не умрета, но изменита ся в мегновении ока, яко же и Павелъ апостоль глаголетъ. И воскреснета, не на суд, но на осужение. Аще же ли кто не мнит сице зане апостоль рече, его же убить Господь Духомъ усть Своихъ. Инии учителя глаголетъ, яко обрящутся етери живи и по антихристове убиении, еже Блаженный Даниль рече. Сия убо в телеси неистлѣма ввержена будета оба в геону огненую еже имать будетъ смерть. Убиение Христовымъ повѣлениемъ.

**СНД (254) И прочии убиени будутъ оружиемъ сѣдящаго на кони изшедшим изо усть Его. И вся птица насытитася от плоти ихъ.**

Двема смертьма сущема, единой телесней, а друзей душевней суци со антихристомъ убиени

будуть Божиимъ гнѣвомъ, сирѣчь повелѣниемъ Его. Потомъ же вторая смерть придетъ на ня. Сирѣчь вѣчная мука. А еже насытитися птицамъ плоти ихъ, яко же предрехомъ ли яко же Богъ Исаю рече, бысть ми до избытка. Тако же и Святымъ до избытка и до сытости и мерзости всякая плотское движение.

### **Глава 3 (60) Како сатана привязанъ бысть от Христа Пришествия до кончины от 3А (1000) лѣтъ.**

**СНЕ (255) И видѣхъ ангель с Небеси сходящъ, имущъ ключъ бездны и желѣзно уже велие в руцѣ его и ятъ змия и змию древнюю, еже есть дияволъ и сатана, и свяжай на А (1000) лѣтъ и в бездну затвори и запечатлѣ о немъ. Да не прельститъ к тому языкъ дондеже скончается 3А (1000) лѣтъ. И по сихъ подобаетъ ему отрешену быти в мало лѣтъ.**

Здѣ дияволе разрѣшение мнить бывшее Христовою мукою егда оногъ привяза в бездне, а ны избави яве же есть разрушениемъ идольскихъ молитвъ и служебъ. И познаниемъ воля Божия по всему миру. Ангель же мнить се сотворша да и покажутъ, яко служебныхъ силъ хуже есть, силою бездобъся гордит на вся. Уже мнить противу нашему разумѣнию всю его дѣтельница за ему на 3А (1000) лѣтъ. Не мнимъ яко числомъ разумѣвати тако. Но многа лѣта яко же рече Давидъ. Слово еже завеща в тысящи род, или явление свершеному числу 3А (1000) лѣтъ от Христова Воплощения до антихристово пришествия. Богу Единому то есть вѣсто, иже вѣсть до коленамъ есть полезнѣе жити. Потомъ же пришедъ льстецъ, смутитъ всю вселенную нося в себѣ злую дѣтель. От него же дѣлъ дабы избавилъ ны, милостивый Богъ нашъ. Ему же Слава во вѣкы. Аминь.

### **Слово КА (21)**

### **Глава 3А (61) О уготованыхъ престолехъ\_сохраншимъ Христово вѣдание совершенно.**

**СНС (256) И видѣхъ престолы и сѣдящая на нихъ, и суд данъ бысть имъ. И душа растесаныхъ за свѣдѣтельство Иисусово, и за Слово Божие. Иже не поклонишася звѣри и телеси его, и не прияша начертания его на чельхъ своихъ и на руцѣ своей. И жиша и воцаришася со Христомъ 3А (1000) лѣтъ.**

Учительнии бо столи Святымъ апостоломъ и здѣ суть уже дани ими же языка просвѣщаютъ, дани же будутъ по Божию обещанию, и в будущи во осуждение отринувшимъ. И Евангельскую проповѣдь, яко же рече Давидъ тамо сядутъ на престолѣ на судѣ. И прочимъ же Святымъ мученикомъ. Мученымъ ради Христа, не приимшимъ дияволя начертания, сирѣчь отступления, данъ бысть властный суд. Имъ же Божию силу являюще, судятъ дѣмономъ. И до селе всяку язву цѣлятъ, яко же видимъ цари же вѣрными сими и князи чтомы со Христомъ славу приемлюще до скончания сущаго вѣка.

### **Глава 3В (62) Что есть А (1) воскресение что есть В (2)-я смерть.**

**СНЗ (257) И прочии мертвецы неживи быша дондеже кончается 3А (1000) лѣтъ, се воскресение А (1)-е Блаженъ иже имать часть воскресения первыхъ. На сихъ смерть В (2)-я не имать области, но будетъ иерей Богу и Христу и воцарится с нимъ 3А (1000) лѣтъ.**

Мертвеца мнить иже не воскреснуша со Христомъ Крещениемъ, и умерше поганьскою грѣховною смертию не имать жити с Нимъ дондеже кончина придетъ. Смерть бо имъ начатокъ будуща мука бываетъ. А Блаженни же имуть часть в воскресении первомъ, сирѣчь умертвивше мысли злыя и мертвая дѣла. Не имать бо на сихъ власти имѣти вторая смерть. Еже есть бесконечная мука. И будутъ иерѣи Богу и воцарится с Нимъ. Яко же видимъ 3А

(1000) лѣтъ, дондеже отрешень будет сатана, и прельститъ языки. Тогда совершенное царство примутъ. Двѣ же еста смерти и В (2) же воскресения, А (1)-я телесная яже бысть от преступления, а В (2)-я вѣчная мука от непослушания, А (1) еже воскресение еже есть от мертвыхъ дѣлъ ожити Крещениемъ а В (2) -е еже ожити от ислѣна в нетлѣние телесемь претворитися.

### **Глава 3Г (63) О гозѣ и магозе.**

**СНИ (258) И егда скончатся 1000 лѣтъ, разрѣшень будетъ сатана от темница своя. И изыдет прельстити языки сущихъ в четырехъ углехъ земля. Гога и Магога на брань собрати я. Им же числом ихъ яко песокъ морьский.**

Тысящу лѣтъ мнимъ не самое число но множество. И плоднаго совершения лѣта ею. И Евангельския проповеди якоже и от сего по совершеней вѣре сын пагубень и человекъ неправедень приидеть. Да суть вси примутъ невѣровавшей истинне. И отрешен же от своя темница прелститъ вся языки. Гога и Магога подвигнет на брань на пагубу всей вселенней яко же Иезекииль глаголетъ, от дни древняго уготовается и на послѣдняя времена приидеть, сказаетъ же ся Гогъ зборъ по еврейску языку, а магогъ гордыни. Яко имяны сими ли побѣду ихъ ли гордыню являютъ.

**СНФ (259) И въздутъ на широту земля и обыдутъ стан святыхъ. И градъ святой и возлюбленный. И снидет огнь от Бога с Небеси и поясть я и дияволь лѣстия. И ввержень будетъ во езеро огненное, и жупелное, идѣже звѣрь и лжий пророкъ. И мучение будетъ день и ночь и во вѣкы вѣкомъ. Аминь.**

Ишедше рече из своихъ мѣсть дияволомъ движими и дѣмономъ водимы распространъшеся по всей Земли и станъ Святыхъ обыдетъ. Сирѣчь Церкви яже есть утвержение на на четырехъ углехъ вселенныя хотящею разрушити. Но не токмо единъ ангель Божий о ней ополчится но и мнози. К сему же и Святой град возлюбленны. Из него же Божий законъ Святымъ Апостолы во вселенную изыде. И примутъ антихристь в церкви, сядет или в древнем жидовствем, обновляя и творя ся яко богъ его же они чають или во истовой церкви на ся божию честь привлачат, но не по мнозѣ. Или невидимый огнь с небеси шед, или Христово Славное Пришествие изъбѣеть я Духомъ усть Его. И диявола воеводу ихъ со антихристомъ и лжимъ пророкомъ предасть я во огненное езеро и на вѣчную муку от нея же дабы ны избавиль Милостивый Богъ нашъ. Ему же слава во вѣли вѣкомъ. Аминь.

### **Слово КВ (22)**

### **Глава 3Д (64) О сѣдящемъ на престоле и общемъ воскресении и о судѣ.**

**С3 (260) И видехъ престоль великъ и бѣль. И сѣдящаго на немъ. Ему же от лица Его бѣжа земля и небо. И мѣсто не обрѣтесе има.**

Престоломъ бѣлымъ является Божий покой. Иже сотворить во свѣтлыхъ угодахъ Святыхъ. На сихъ сѣдѣй. Бѣжание же сказаетъ небеси и земля сихъ мимошествие сказаетъ. Не яко погибнуть тварь. Но обновление примутъ. И мѣсто не обрѣтесе сирѣчь обѣщаютъ. Глаголетъ бо Апостоль, яко и сама тварь свободится от работы ислѣния. И Давидъ рече послеши Духъ свои и созиждутся. И обновиши лице земли. Исаия же рече будетъ небо ново и земля нова.

**С3А (261) И видѣхъ мертвеца великыя и малыя стояща пред престоломъ. И книги разгнушася, яже суть животныя. И судъ прияше мертвии от написания в книгахъ по дѣломъ ихъ.**

Мертвеца рече и вся человекы умершая телесемь, или умершвенныя грѣхы великыя же и малыя. Или сущая тѣломъ такой или мние паче и мертвыя дѣла дѣлавшая. Или великыя

праведныя. А малыя грѣшныя за душевную сладость. Книги же разгибаемыя являютъ коегождо дѣла. Едины же книги животныя рече в нихъ же суть имена Святыхъ написана.

**СѢВ (262) И дасть море мертвеца своя. И смерть и адъ. И даша мертвеца своя и судъ прияша кождо по дѣломъ своимъ.**

Коегождо дѣло рече ими же раздѣляетъ. Тѣми и ставлено будетъ, смерть же и адъ ни животней вещи еста ни душевней. Адъ же есть мѣсто неявлено намъ. Сирѣчь не сказано не видимо еже приемлетъ душа отходящихъ от сюдѣ. Мертвыя же душа суть еже мертвыя дѣла носятъ. Праведныхъ же душа в Руцѣ Божии. И не коснется ихъ мука она.

**СѢГ (263) И смерть и адъ положена бысть во озеро огненное, и иже ся не обрѣте в книгахъ животныхъ написанъ ввержень будетъ во озеро огненное.**

Смерть и адъ мнить злыя силы винныя смертному грѣху. Или написано есть послѣдний врагъ предстанетъ смерть. Писано бо есть смерти Богъ нѣсть сотвориль. Сего ради к тому не будетъ смерти ни истлѣния. Но царствовати без истлѣния и без смерти. А иже вся не написани в книгахъ животныхъ, и ввержени будутъ во озеро огненное не дивися. Ибо яко же суть многы обители уво Отца Спасаемыхъ. Тако и ту различная мѣста мучения. Ова а горѣйша, а другая легчайша.

**Глава ѤЕ (65) О новѣ Небеси и о земли. И о вышнемъ Иерусалиме.**

**СѢД (264) И видѣхъ Небо ново и Землю нову. Первое небо и земля преиде, и моря не будетъ к тому.**

И здѣ скажетъ не на пагубу но на большее обновление. Яко же рече Апостоль, и сама тварь свободится от работы истлѣния в свободу и в славу чад Божиихъ. И Давидъ рече яко ризу свѣши ихъ и измѣнятся. И обѣтцавшее бо обновляет. Но онъ старости отвержение, а еже моря не будет к тому, кая бо потреба моря будет неплавающимъ человекомъ по нему. К сему же много волненаго жития море еси предлагаетъ. Исаия бо глаголетъ и бездна пустѣютъ. И вся реки твоя изсуши.

**СѢЕ (265) И град видѣхъ Святыи Иерусалимъ сходящъ с Небеси от Бога приготванъ, яко невѣсту украшену мужу своему.**

И от сего являетъ новое имя на свѣтлое преложение знаменія град же сий Соборъ Святыхъ нарицается. О нихъ же есть писано, Камение Свято является на земли. И крайугольный Христа имый. Град же яко самая Царица Творца жилища. Невеста же яко прильпляющися Господи украшена же внутрь уду. Яко славу и красоту в различии имуще.

**СѢС (266) И слышахъ глас велии с Небеси глаголющъ ми се и скиния Божия, со человеки веселится с ними и тѣ людие будутъ. И Самъ Богъ будетъ имъ, и отиметь всяку слезу от очию ихъ.**

Скиния же есть воистину, ея же образ видѣвъ Моисей в горѣ. И сшед сотвори скинию Ветхому Закону, еже бѣ паки образ Церкви Християньски. В сей нерукотворне скинии не будетъ плача ни слезъ. Вѣчныя бо радости Датель, и дасть всѣмъ Святымъ веселие не престающее.

**СѢЗ (267) И смерти не будетъ к тому ни плача ни вопля. Ни болѣзни не будет к тому первая мимо идоша.**

И се есть написаное отбѣже болѣзнь и скорбь и воздыхание. А еже А (1)-я мимо идоша, скажетъ Святыхъ страсть, а нечестивыхъ гордыни кончину приять.

## Глава 3S (66) О нихъ же рече, сѣдящей на престоле. И о видѣнии.

**С3И (268)** И рече ми сѣяи на престолѣ. Се новая творю вся. И рече ми напиши яко си слова вѣрна и истинна суть. И рече ми бѣхъ Азь Начатокъ и Конецъ. Вѣрна и истинна яко от самая Истинны исходяща. И к тому неприкладна но самѣми вещьми знаема начатокъ же и конецъ ихъ. Яко первый Божества ради и послѣдни иже человечества ради. Яко от первыя твари, и бесплотныхъ до послѣднихъ человекъ Свой притязающе промысль.

**С3Ф (269)** Аще жажущему дамъ от воды животныя туне.

Жажущему правды, дати обѣшаваеть Благодать Животворящаго Духа. Туне же яко недостойны муки, и нынѣшняго времени к хотящей славы явится в нас, яко нѣсть сего имѣниемъ стяжати, но добрыми дѣлы.

**СО (270)**

**Побѣжаяй** наслѣдить сии буду имъ Отець, и той будетъ ми въ сынъ.

Побѣжая дѣмонскую брань, сынъ Божий наречетъся и наслажаяся Отча добра.

**СОА (271)** Страшливымъ же и невѣрнымъ и сквернымъ убийцамъ, и блуд творящимъ и чары творящимъ, идолотворомъ и всѣмъ лживымъ часть имъ во езере горящемъ и жупеломъ еже есть смерть вторая.

Всѣмъ инымъ спасения нашего Богъ. На наслѣдие Его добр уставъ кажетъ. Вышняго Иерусалима свѣтлость. И геоньскаго огня тьму и страсть, да желаниемъ вѣчнаго живота или страхомъ бесконечныя муки. Дондеже время его дѣлаемъ добрая дѣла. Страшливымъ же на дияволу брань вторыя смерти осуждение обѣща. Буди же на нас Милость Господа нашего. И же не хоцетъ смерти грѣшнику но обращения. Яко Тому подобаетъ всяка Слава во вѣлы вѣкомъ. Аминь.

**Слово КГ (23)**

Глава 33 (67) О ангеле показующемъ градъ Святыхъ и стѣны его со враты размѣряюще.

**СОВ (272)** И прииде единъ отъ 3 (7) ангель имущихъ 3 (7) фиаль исполнены 3 (7) -ю язвъ послѣднихъ, и бесѣдова со мною глаголя. Гряди да покажу ти невѣсту Агнечю жену. Сихъ являетъ яко не токмо злыя язвы наводятъ ангелы но и добрыя. Яко ныне Святому Евангелисту сказаеть церковное блажение. Добре же рече невѣсту Агнечю жену. Яко же бо Адаму древле усопшу Богъ отъ ребра его жену взять. Тако и Господь егда яко Агнецъ заколенъ бысть и на крестѣ своею Волею успе, и своею Кровию обручи Церковь.

**СОГ (273)** И веде я духомъ на великую гору високу и показа ми градъ великий и Святый Иерусалимъ сходящъ с Небеси от Бога имущъ Славу Божию.

Иже духомъ вести мнить, сирѣчь отъ земныхъ умомъ на разумъ Небесный и на гору же високую и жизнь вознесеную высоче Святыхъ являетъ на ней же жена Агнеча.

**СОД (274)** И вышний Иерусалимъ украшеньъ есть Богомъ. Свѣтило ея подобно каменю драгому яко камени аспиду хрустальну.

Свѣтилникъ есть Церкви Христовъ. Хрустальнымъ и аспидомъ сказая присноцвѣтную чистоту, и живодарную и инѣми же многоразличными приклады, и много виденую Его Благость являетъ.

**СОЕ (275)** Имуще стѣну велику, високу имуще врата VI (12) и на вратехъ ангела VI (12) и Имя написана, яже суть Имяна обѣмана. I (10) колѣнома сыновъ израилевъ.

Стена высока есть Христось Хранитель Церкви. Врата же ВІ (12) Святии Апостоли. Ими же привидѣние и восхождение ко Отцу обрѣтохомъ. Помогаше бо и тѣмъ ВІ (12) ангела от старейшинъ же паки приближающимся к Богу. Понеже бо каждо вѣрныхъ, ангель ходитъ храня я и паче же во сихъ церковныхъ становницехъ на помощь евангельския проповѣди. Имена же понеже и на ризе архиереови имена обою на І (10) колѣну написана бяху. Тѣмъ и ныне мысленаго Израиля, имяны сими печаль вѣрныхъ апостольскую мнить. Яко же Павель имяше о всѣхъ Церквахъ.

**COS (276) От востока врата троя. От сѣвера врата троя. И от юга врата троя. И от запада врата троя.**

Четверочастный образъ вратный и трое разверзение от четыре край вселенныя, являетъ Святыя Троица разумъ иже приять Животворящимъ Крестомъ крестны ибо есть образъ вратное поставление по видѣнию. ВІ (12) волю иже ношаху море сотворенное Соломономъ иже бѣяху образъ Троицы, и Апостоль тѣмъ и четвериць, иже есть Святыя Троица проповѣдатели. И послание Д (4)-мъ Евангелистомъ на Д (4) край земля имже мысленое море крестиломъ. Иже оцыщаетъ весьми от грѣхъ составленое мысленымъ Соломономъ сказается.

**СОЗ (277) И стена граду имуща основание ВІ (12) и на нихъ имянь ВІ (12) обѣмана І (10) апостоломъ агнечевымъ.**

Основания стѣнная суть Святии Апостоли. На нихъ же Христова Церкви основана бысть ихъ же имена написана суть.

**СОИ(278) И глаголя со мною имѣяше мѣру трость злату. И да измѣритъ градъ и врата и стѣны его.**

Златая трость являетъ честное и чистое мѣрение ангельскихъ силъ мѣрение граду. Ему же есть стѣна Христось, а не от человекъ мѣрило мнимъ же здѣ стену Божие Основание, и покровъ разумѣвати в немъ же Святии сохраняются.

**СОФ (279) И град на четыре углы стоитъ. И долгота его велика же и широта измѣри град тростию на стадии ꙗВІ (12000). Долгота и высота его равна есть.**

На четыре части град сей есть твердыня ради удержания, глубина и высота и широта, и твердыня являетъ. ꙗВІ (12000) являетъ великоту и множество. Рече бо Давидъ паче песка умножатся. Стадии же ꙗВІ (12000) число апостольское и паки Ч (90) и В (2) и ДІ (14) поприща суть в числѣ семъ. Являетъ же ꙗА (1000) вечнаго живота совершение, П (80) покойное совершение и ДІ (14) сугубое сугубство, сирѣчь покой души и тѣлу двоицею бо седмица ДІ (14) будетъ.

**СП (280) И размѣри же стѣну его въ Р (100) и М (40) и Д (4) лакти двоицею на І (10)-но число слагаемо бываетъ. И в мѣру человеческу яже есть ангельския.**

Мѣру стѣнныя глубины Р (100) и М (40) и Д (4) лакти двоицею на І (10)-но число слагаемо се число бываетъ еже сказаетъ Апостольское учение.

**СПА (281) И бѣ создание стѣны его. И аспид и град златъ чистъ подобенъ стеклу чисту.**

И аспид зѣльное не увядающее житие от Святыхъ сказаетъ злато же за чистоту и свѣтлость жития ихъ сказаетъ.

**СПВ (282) И основание стѣны граду всяцем драгимъ каменемъ украшены. Основание первое аспид, В (2)-е сапфиръ, Г (3)-е халкидонъ, Д (4)-е измарагдъ, Е (5)-е сардикъ, S (6)-е сардий, З (7)-е хрусолитъ, И (8)-е вирилионъ, Ф (9)-е тумпазионъ, І (10)-е хрусасъ, АІ (11)-е якинфинъ, ВІ (12) аменисть.**

Два на десять основания два на I (10) камни драгая. Яже прилагают видѣниемъ и зракомъ на Святыя Апостолы украшеся в сѣмъ видѣниемъ.

А (1) И аспид же Петра сказаетъ яко мерность Иисусову на тѣлесномъ ношаше, и не увядшую вѣру являше к нему.

В (2) Сапфир же яко Павла до третияго Небеси восшедша и тамо влекуща послушающая его.

Г (3) Халкидон же Андрѣя еже ест анфраксъ, сирѣчь горячь яко возгорѣвшася от Святаго Духа.

Д (4) Измарагдъ же Иоанна Евангелиста. Многочистою свѣтлостію Благословенныя Благодати.

Е (5) Сардоник же Иякова яко первѣ иныхъ плотную мертвость приемша Христа ради.

С (6) Сардий же Филиппа яко целяше душевныя язвы.

З (7) Хрусолит же Варфоломѣя. Зане есть злату подобно ищение его. Яко и сего Божия Проповѣдь.

И (8) Иуриль Фому яко морскую широту имуща се бо чрес море шед и индѣомъ проповѣда спасение.

Ф (9) Томпазион же Матфѣя, яко млечную влагу пущающи. И целяюща срдечныя очи. Яко млека вѣрныя напаяюща.

І (10) Хруспас же Фадѣя яко тмѣ лщениемъ малымъ златомъ Авгарю Едеску Христово возвѣщаше Царство.

АІ (11) Якинѣфъ же Симана Зилота, яко аиерьскіи образъ имуще Христову Благодать.

ВІ (12) Амелисть же Матфея яко огни образ в радѣлении язык огненныхъ приять.

**СПГ (283) Оба на І (10) врат ВІ (12)-те бисера да едина врата каждо будутъ от единого бисера.**

Христовѣ ученицы ВІ (12) врата ими же враты и путь познахомъ. А ВІ (12) бисера от Христа единого бисера имущи лщение.

**СПД (284) Путь граду златому чисто яко стекло лщашеся.**

Прикладомъ истинны бывшаго града благихъ не можетъ ставити над всѣмъ бо суть слухомъ и видѣнми и помышленми. Тѣм же поставление граду яко злато много чистоты ради сказает. Си же вся видѣ Апостоль яко можаше.

**СПЕ (285) И церкви не видѣхъ в немъ. Господь бо Богъ Вседрежител Церкви ему есть Агнецъ.**

Кая бо есть потреба церкви идѣже есть Самъ Богъ Хранитель и Покровъ. О нем же живем и движемся и есть мы. Той будетъ Святымъ Церкви и жилище Святыхъ в нихъ и ходя яко же обща Агнецъ заколены нас ради и Сынъ Божий и Святыи Духъ.

**СПС (286) Град не требоваше солнѣца ни луны да свѣтят в немъ Слава Божия просвѣти и свѣтилникъ Ему Агнецъ.**

Идѣже бо есть праведное и мысленое солнце видимаго солнца нѣсть потреба. То бо яко Ему есть Слава и Честь и Свѣтъ.

**СПЗ (287) И поидуть языцы свѣтомъ Его.**

О нихъ же рече и поидуть языцы свѣтомъ Его.

**СПИ (288) И цари земстии принесут славу и честь свою вон и врата его не имуть затворити в день и ношь бо не будет ту.**

О нихъ же рече пойдутъ языцы в свѣтъ победиша бо плотская сласти на земли и воцарившеся над ними добрымъ дѣянии славу и честь принесут вон. А еже не затворитися вратомъ сказаетъ или твердыню житель его или тут отверстымъ быть вратомъ Святого Божия



апостольскаго учения да вси совершению навькнутъ. День же будет ту а не ношь та бо ношь грѣшником будет отлучена.

**СПФ (289) Принесут славу и честь языкомъ вон и не имать вон внити всяко скверно и творяй мерзость и лжу но токмо написани и в книгахъ Агнечихъ.**

Свѣтлость и славу языкомъ сирѣчь угодышим Богу во граде святом водворятся, все же скверно и нечисто не внидет тамо нѣсть бо общия со тмою свѣту.

**Глава ѿИ (68) О чистой рѣцы явльшейся исходяще от престола.**

**СЧ (290) И показа ми реку чисту воды животныя. Свѣтлу яко хрусталь исходящи от престола Божия и Агнѣча посредѣ пути Его.**

Реку мнить исходящую на семь житии из Церквѣ. Паки бытное Крещение Святымъ Духомъ дѣемо. Чистоты же творя измывающеса паче снѣга и хрусталя. А из вышняго Иерусалима реку Божию исполнену воды живы. И Животворящий Духъ от Бога исходяи от Отца Агнцемъ посредѣ вышнихъ силъ. Яже престоль Божий нарицаются пути Святаго Духа ради сирѣчь множество Его иже паче песка по псаломскому слову умножатся. Есть же инако реку глаголемъ Святаго и Животворящаго Духа дары и Благодати. Престоль же Божий превышняя силы дрѣжава же Святая наслаждышия напаяемыя от Него.

**СЧА (291) И оба полы реку древо животное творя плоды ВІ (12) на месяцъ каждо въздаяя плод свой.**

Река сирѣчь напаяетъ наслаженныя ея Святыя. Древо животно прикладномъ нарицаемъ. И подоблению животнаго древа Христа. ВІ (12) плоды творя, сирѣчь присно прозябающая. Не будетъ бо ту грѣха земнаго нудящи живот на древа сметати лѣствие, яко видимъ бо день но совершенъ будетъ Святыхъ ликъ. Иже здѣ ВІ (12) месяцъ наречеса, заповѣд ВІ (12) апостолу яко реку мнить Благодати Животворящаго Духа. Древом же животворящимъ Христа. ВІ (12) плода Святыхъ Апостоль проповѣди, и не престающий Божий разумъ.

**СЧВ (292) И лѣствие древу во исцеление языкомъ.**

Лѣствие древу мнить прикровение о Христѣ Божия смотраения разумъ. Яко плод его совершеный разумъ. Иже ся открыеть в будущий вѣкъ во исцеление же, сирѣчь вооцщение разумнымъ.

**СЧГ (293) И всего анафема не будетъ к тому.**

И всякого проклятия не будетъ ту. Яко диаволу воздаема. Зане всякого добра отлучается и не смѣшаетъ.

**СЧД (294) И престоль Божий и Агнѣць будетъ в немъ. И раби Его служатъ Ему, и видят Лице Его и имя на челѣхъ имъ.**

Бывающии рече престоль Божий покойще Ему и узрять и лицом в лице, а не притчами но яко Святымъ Апостоломъ явися на Святей горѣ. Имѣти же имуть в златой печати мѣсто, иже архиереи древле нашаше не токмо на челѣхъ своихъ но и на срдецыхъ своихъ начертание являющи твердую любовь непреложную.

**СЧЕ (295) И ноши не будетъ к тому и не потребуютъ свѣта от свѣтилника. Ни свѣта солнечнаго яко Богъ просвѣщается. И воцарится во вѣкы вѣкомъ. Аминь.**

Аще и праведникъ восияетъ яко солныце, яко же рече Господь кая потреба будетъ солнечнаго свѣщнаго свѣта. Иже имуть глагол Славы. Просвѣщение и Царя над собою царююща во вѣкы вѣкомъ. Паче с Нимъ воцарится.

**СЧС (296) И рече ми словеса вѣрна и истинна.**

Вѣрна и истинна яко от Истинны исходяща. Дондеже ангельское вѣдѣние и видѣныхъ сказание положи прочее яко от Своего Лица спасаетъ.

**Глава ѠФ (69) Богъ пророкъ Христос владыка всѣмъ.**

**СЧЗ (297) И Господь Богъ Святыхъ Пророкъ Христось ангела Своего посла показати рабомъ Своимъ, им же есть быти вѣскорѣ.**

Се еже есть бо Пророкомъ Христось иже ангела своего посла ко Блаженному Иоану Евангелисту видѣвшу ему видѣние показати рабомъ своимъ хотящая быти. Но смотрения ради плотскаго. На зачали рече к Сыну Своему дати апокалипси и Богъ бо пророкомъ ангелы Своя показываетъ, яко служебныя духи на явление будущихъ. Не невѣсть бо ничто же но вѣсть и мѣсто и день конечный.

**...Не невѣсть бо ничто же но вѣсть и мѣсто и день конечный... Толкование говорит о том, что можем ведать место и день последний.)**

**СЧИ (298) И се прииду скоро, Блаженъ соблюдай словеса и пророчества книгъ сихъ.**

Обычай бо есть пророкомъ, яко от своего лица Божия являти множицею, а еже есть прииду скоро ти или являетъ временную малость, или когда внезапно наглу кончину комуждо бо человеку кончина есть преставление от суда. А начатокъ оногo вѣка тѣм же подвизаемся сердцею сокрушенымъ растерзавши узы земныхъ вещей. Яже заплетаютъ кождо нас душу недостойне будет узрѣти тихое Лице Милостиваго Бога нашего и внити в Радость Его яко тому подобаеъ всяка Слава во вѣки Аминь.

**Глава О (70) Слово о достойномъ увѣрени, яже есть видѣль апостоль**

**СЧФ (299) Азь Иоаннь, видѣвъ и слышавъ се, егда видѣхъ и слышавъ си падохъ поклонитися на ногу, ангелу показавъ ми, сей глагола ми, виждь не клевет ли есмь.**

**Азь и братия твоя пророкъ соблюдающа словеса книгъ сихъ Богу поклонити ми ся.**

И се апостольския душа обычай яко же во Евангелии рече, и видѣ и свѣдѣтельствова, и истинно есть свѣдѣтельство его. Такой и здѣ самовидецъ бывъ нареченнымъ сказаеъ. Видѣния утвердивъ сказа иже ангельское его видѣние и смирение, неприемлюще от клеветы покаяние, но достойное опщение Господеви воздати.

**Глава ОА (71) Како есть не повелѣно запечатлѣти но проповѣдати Апокалипси.**

**Т (300) И глагола ми Господь не запечатлѣй словесъ пророчества книгъ сихъ рече бо близъ.**

До здѣ ангельская словеса главна. Сыне от судѣ приходитъ лице глаголя, не запечатлѣй словесъ пророчества сего. Достойни бо суть книги да чтуть я вѣрнии и страха ради и муки грѣшныхъ. И обѣщания покоя Святымъ да обрящутся и добрѣ дѣють.

**ТА (301) И обидяй да обидитъ ещѣ. И скверный да сквернится еше. Праведный да творить правду еше. И Святыи да святится еше. И се гряду скоро и мзда Моя со Мною и воздати комуждо по дѣломъ его.**

Се яко веля зло дѣяти, си глаголетъ но есть годѣ комуждо да творить. Не нуею бо веля показавъ комуждо начинания. Кончину егда же прииду и воздам комуждо по дѣломъ его.

**ТВ (302) Азь Есмь Алфа первыи и последний и начатокъ и кончина.**

Начатка бо есть ни что же старѣе, ни Божию царствию не будетъ кончины. И множицею бо преже рекохомъ первы Божества ради и послѣдний человечества ради.

**ТГ (303) Блажени творящеи заповѣди Его и да приидеть область имъ на древо животнo и враты внидуть во град.**

Воистину Блажени такови и область бо имѣти имуть Святии в жизни вѣчней о дрѣвѣ животнемъ. О Христѣ Бозѣ нашемъ почивающе и насыщаея видѣния Его, ни единши же заступающе злей силѣ. Враты же внидуть апостольскими Сирѣч ученики Его в вышний градъ.

**Глава ОВ (72) Како церкви иже Духъ, иже в ней есть призываетъ славное Христово просвѣщение о клятве. Иже повинни бываютъ, отметающе книги сия яко неприятны есть.**

**ТД (304) Вне и пси и чародѣйцы и любодѣйцы убийцы и лъсти служители, и вси творяще и любяще лжу.**

Пси во истинну суть не токмо невѣрнии, но и обращающаяся на своя блевотины по Крещении. Злѣ дѣлателе их же ся апостоль плакаше. Тѣмъ же с любодѣйцами и убийцами идолослужители от вышняго града изгнати будутъ.

**ТЕ (305) Азь Иисус посла же ангела Своего. Засвѣдѣтельствовати вамъ сия Церквамъ. И здѣ владычню честь посланнымъ ангеломъ являетъ сирѣчь за свидѣтельство.**

**ТС (306) Азь Есмь Корень и род Давидовъ.**

Корень и род Давидовъ есть Христос, яко Богъ род же яко плотию от него рождься.

**ТЗ (307) Звѣзда утренняя свѣтлая.**

Яко звѣзда нарицается есть ту утренняя, яко утро вшед к намъ тредневно. По ноци же сего жития утренняя обѣщаннаго Воскресения. Святымъ являющимся и день распящъ бесконечный.

**ТИ (308) И Духъ и невѣста глаголетъ ти прииди.**

Церкви сый в ней Духъ восия в средцыхъ нашихъ. Авва Отець пришествие Единочадаго Сына Божия призываетъ и велить Ему вскорѣ быти.

**ТФ(309) И жаждай приидеть ко Мнѣ. Хотяи да прииметь воду животную туне. Жажда бо есть потребно животное пиво. Паче же яко и туне даетъ.**

**ТИ (310) Свѣдѣтельствую Азь, всякому слышащему словеса пророчества книгъ сихъ. Аще кто приложитъ на ня, да наложи Богъ нанъ 3 (7) язвъ написанныхъ в книгахъ сихъ. Аще кто уйметъ, и оташе словесъ сущихъ пророчествия в книгахъ сихъ, аще кто. Да отиметь Богъ часть его от древа животнаго. И от града Святаго написаннаго в книгахъ сихъ животныхъ.**

Страшна клятва прилагающая к Божиимъ книгамъ. Или же умъ имѣть у нихъ что дръзновение бо можетъ отлучити от Бога. Се бо засвѣдѣтельствуеетъ намъ слышашимъ и приложити же ничто же ни уняти. Да то на нас не будетъ. Но книжная обычая яко достойны чести имѣти.

**ТАІ (311) Глаголетъ свѣдѣтельствующий Именемъ Сихъ прииду скоро. Аминь. Гряди Господи Иисусе Христе Сыне Божий. Благодать Бога нашего Иисуса Христа со всѣми Святыми. Аминь.**

Азь рече глаголя сый скоро к Тебѣ Животу гряду и Ты прииди Господи. Инако от лица Господня речено бысть содѣтельствую и сии рекъ. Прииду скоро от апостольскаго лица.

Прорече же есть гряди Господи Иисусе Христе прежде желанъ бо есть Святымъ Христово Пришествие. Яко воздающе мзду многу сугубие дѣлающимъ. Тѣм же и сия книги Святыя, Богодухновенне суть на блаженный покой наставляющи. Не бесѣдующая в ня по очищению мыслено учения очию еже даны бы своего свободиль стяжати Милостивый Господь пострадавый Плотию насъ ради Иисус Христось Богъ нашъ. Яко Тому подобаетъ всяка Слава Честь и поклоняние Отцу и Сыну и Святому Духу. Нынѣ и присно и во вѣкы вѣкомъ.

**Аминь.**